

ROMA

Paulo e miti kiŋaŋ mimic rahuc Korinti haeo mocwâc fisiwec. Erâ ira juhuc Romanjic jaŋere papia qârenjkewec. Roma haeo miti njic njokac jumbiŋ jaŋere fuŋne mi mana-hâmonjgopeneŋ. Paulo e jahacne me aposolo moczi hae ira mi fisihame jumbiŋ. Irec ziŋuc muzo: Jerusalem haeonec miti njic njokac omanezi Roma haeo ra juhuc miti miczi muhapie hae irecnec njic gâcnezi manarâ Jesure biŋefâc embiŋ. Mâro wahawec dameŋ ira Judanjiczi Romanjic ekicne jaŋeraonec gâcnezi mâmâc Jerusalem haeo tumaŋnembij (*Aposolo 2:10*). Ehuc wiac zâŋe furu honembij â Petorore miti manambiŋ. Erâ wâc zâhecko Jerusalem haeo mitire zika kâpâcwâru fuame miti njic njokac jaŋe râwiŋ qâwiŋnerâ hae sâc rafârembij (*Aposolo 8:1 â 11:19*). Eme jaŋeraonec gâcnezi raku Roma haeo fisimbij wâc mecne. Njic njokac iŋucnezi hâcne Roma haeo Jesure binaj bahuc njic njokac jazapie irecnec gâcnezi mana zakiembij. Eme jaŋerao hâcne Paulozi papia qârenjkerâ râeme rawec.

Paulo e hae mâreŋ gâcne rârecke-fâreku Korinti haeo njehuc ziŋuc muwec: Njicfâc-nane hae sâc jaŋe Jerusalem haeonec miti njic njokac jaŋere moneŋ bâturembij i Jerusalem haeo bararâ mocwâc risie warerâ Roma haeo rapemu. Eme hae irecnec miti njic njokac jaŋe nenjoc nesij nenarehapie Sipen mârenjko miti kiŋaŋ rapemu (*Roma 15:28*). Roma haeo Paulo gie-ticnaonec opâ

ruac 26 jumbiņ jaņere zāņe rāe-fārewec (*Roma 16:1–16*). Gācne sāko ine mi manac-jopawec. Papiaticne ņokac moc zāņene Foibe e rācneme Roma haeo barawec.

Erā Paulo e Roma haeonec miti ņic ņokac zāfo bajareocte irec sawa papiā mi rāe-jarewec. E mitire fuņne mutācne-jareocte irec māmāc manasurā papiā rāe-jarewec. Ine fuņne ziņucte: Roma haeo Judāņiczi opā ruac ā qāpuczi opā ruac māmāc jumbiņ. Eme Judāņic opā ruac jaņe miti raņqanao sācmutāc dāņ fokac i reņkehuc irec manapie fārīne wāc ewec. Ehuc mumbiņ: I Wofuņdāņ jaha, irec i māmāc reņkehuc bianķerā sambāņko fezo. Inuc mupie qāpuczi opā ruac, Paulore miti gieonec rakicne ā gācne, jaņe dāņ irec manapie mi sāckeme qatarambiņ. Irec dāņjeņic fāfāuc ejujec ā gācnezi manjahec embiņ. Erā wāc hombaņ ā wiac gācne sācti qātiri rāe rambiņ. Moc ine qāpuckonec opā ruac jaņe Judāņic jaņere manapie wawahane ewec. Ine ziņuc muhuc mana-jarepie sāqorewec: Jaņe hācne Jesu qambiņ, erā wāc damaņ ziņuczia neņgocne sāko maņsanaņ ehuc Jesure miti qikiņneņgopieņ, irec Wofuņzi behec-jopaocmu. Mupie Judāņic opā ruac gācne jaņe mumbiņ: Mācne, Wofuņzi baficnāpooocmu, nāņe fuņfuņfācne. Dāņ sisifucne inuc fowecte Paulozi mitire fuņne jāmbāņ ritujarewec. Ehuc sācmutāc dāņte ā mamanasīņte ā mitio tiņke bian ee irec dāņ bāutuckehuc qāreņke-jarewec. Eme Judāņic ā qāpuc guru Anutuzi weniņuc mana-jareme fokac i wāc mu-fua-jarewec. Erā wāc dāņ gācne zuhuckewec. Miti fuņqizecne kecziņuc qāreņkewec: Mosere

sâcmutâc dân reŋkehuc bibianke i mi fokac, Jesu manasiŋkehuc bibianke i mocjaha fokac. Sâcmutâc dân bajuhuc kiŋ mi hefâsâezo, Jesurao roweckehuc kiŋ hefâsâezo. Irec Paulozi Romanjic qârenke-jarewec i dân fâri hândân â bubianj dân jâmbân.

Romanjic jaŋere papia dân nenogocne sâko jahec â moc fokac:

1. Jesu Kristo manasiŋkehuc kiŋ hefâsâezo. Ine *gaŋ 1—8* irec maŋnao.
2. Judanjic me qâpuc Kristo-nâŋec mocjaha. *Gaŋ 9—11*.
3. Maŋzi roroc ehuc Wofunŋte erâ juzo. *Gaŋ 12—16*.

Paulo gie-ticnere fuŋne

¹ Paulo no Jesu Kristozi kiŋaŋ qaqa-ticne bac-nurâ aposolo-ticne mucnuhuc Anuture Biŋebianj râepe qarenko raocte rowosâecnuwec. ² Miti i hâcne fuaocte Anutuzi mârâc jaha porofete ejareme irec findaŋdân tiri papiao qârenkemiŋ. ³ Qârenkepie Nokâ-ticnerao iticnewec. E sahachec fufua i Dawidi qâricfâc-ticne jaŋeraonec fuawec, ⁴ erâ e maŋqaqac bâbâfua Mârohec ju-juzi Anuture Nokâ jukac, irec fuŋne hâmokonec faharewecko fua taniŋke-jâmbânkewec. ⁵ Jesu Kristo e Wofunj-nâŋeczi aki anonoc enarehuc aposolo gie tahacnuwec. Ehuc mâreŋ sâc ŋic miti jazepe mana rereŋ epie Jesure zâŋe biŋe raocte

1:1: Apo 9:15; 13:2; Gal 1:15 **1:2:** Tit 1:2; Rom 16:25, 26

1:3: Rom 9:5; Sam II 7:12; Mat 22:42; Tim II 2:8; Apo 13:33

munarewec. ⁶ Eme ñoñe jañere âgofâc jaha, Jesu Kristore ñicfâc eniñte hefârec-ñopakicne, irec gie i ñoñerao iñuc jaha bapere munarewec. ⁷ Roma haeonec Anuture jorofâc, tiriñic mucñopakicne, ñoñere hâcne papia zi qârenjekopac. Mamac-nâñec Anutu â Wofuñ Jesu Kristo eraonec aki anonoc â wama ñoñerao fotâcnerâ fozejec.

Paulozi Roma haeo miti mamana iqic-jopaocte muwec

⁸ Miti babaju- ñeñicte mâreñ sâc manapie bianjekacte qanañ ñoñere erâ danje mupe Jesu Kristorao qâra Anutu-nanerao fotâcnekac. ⁹ No Njokâ-ticnere Biñebianñ muhuc maññanezi Anutu kinañ qacnepe fuñne-nane manakacte ere maio dânñ zi mupe mananiñ: ¹⁰ No numucneekopac sâc ñoñere mâmâc hati manasuekopac, ehuc Anutu maname sâckeme hata bâfua-nareme ñoñerao fâpemurâ âzâcneekopac. ¹¹ No ñoñe honec-ñopapere enareekac. Ehuc fârâ mañte bâmec moc banarepe qinñ herâ juniñte muekopac. ¹² Me kecziñuc mupe: No ñoñerao fâpe mamasaniñte fârine nowac gowatuñ ehuc keketeñ enzepeneñ. ¹³ Erâ âgofâc-nane, fuñne-nane kâuc banziñte ziñuc ñazape: No ñicguru gâcne jañerao eekopac iñuc jaha ñoñerao fârâ miti giere fârine piticne bâfuapemurâ hati muekopac. Erâ fâzo mupe sâc wiac gâcnezi niñginñume juekopac. ¹⁴ Noni ñic kosa, Griknic â kâte sanañ, mamanahec â

1:5: Apo 26:16–18; Rom 15:18; Gal 2:7, 9 **1:7:** Kor I 1:2; Kor II 1:1; Efe 1:1; 3ar 6:25, 26 **1:8:** Rom 16:19; Tes I 1:8 **1:9:** Fil 1:18; Efe 1:16 **1:10:** Apo 19:21; Rom 15:23, 32 **1:11:** Apo 28:31 **1:12:** Pet II 1:1 **1:13:** Joh 15:16

mutucne mâmâc mitizi tofa bazu-jarepemurâ munarekicne. ¹⁵ Irec Romanjic ñoñe injuc jaha Biñebianj ñazapemurâ mañnanezi afeckeekopac.

Mamanasiñte erâ juju hotâckezo

¹⁶ No Biñebianjte manape mimi ganğanjnehac mi eekac, i Anuture tâpirihac, irec mana sakac eniñmu sâc bâpianj-jopaocmu, Judanjic hâcne, erâ Griķjic mâmâc. ¹⁷ Biñebianjko hâcne Anuture tiñne fua taniñkeekac, i hâcne eki mamansiñhec jañe tahac-jopaekac, ehame mamansiñko utuckenijmu. Dâñqâreñ zinjuc hâcne fokac: “Bianjkekicnezi mamansiñte erâ juju hotâckeocmu.”

Nic jañe Anutu-jenjc beherâ dapâcko razimbiñ

¹⁸ Nijci ine Anutu qamaserâ sindañ ehuc kike hata-ticne hesifuckeeñgopienjte kimbenj-ticnezi sambânjkonec fua taniñkeekac. ¹⁹ Anuture fuñne gâcne ñiczi mamane i manañgopienj, Anutu jahac bataniñke-jarewec. ²⁰ Anutu e ñiczi mi hohonene, â mâreñ bâfuahuc ine wiac fuñne fuñne râewec izi tâpiri sanañ-ticne â qâreñ-ticne bataniñkeme sâcne hone mana tarac eeñgopienj. Irec ñic gâcne jañe wemocko kâuc bahuc sahac ñeñezic dâñ muniñmu. ²¹ Jañe ine Anutu jukac i mana-bipiehuc mi jukac-tinac eha arañ mi bacnembiñ â mucne bacne mi ecnembiñ, aricne. Jañe mumusifuc fuñne fuñne bâfuahuc mañmutuc epie dapâczi fonjopawec. ²² Ehuc nâñe

1:16: Mi Mâ 119:46; Kor I 1:18, 24; Apo 13:46 **1:17:** Rom 3:21, 22; Hab 2:4 **1:18:** Joh 16:9; Tes II 2:12 **1:19:** Apo 14:15–17; 17:24–28 **1:20:** Mi Mâ 19:1; Heb 11:3; Hio 12:7–9 **1:21:** Efe 4:18; Bar 14:7

mamanahec juŋgopeneŋ muhuc sâke bâbâc eku maŋmutuc embiŋ. ²³ Inuc ejareme jaŋe Anutu juju hati e araŋ mi bacnehuc ŋic â wipe â qowi â homa, wiac sisiroweme hâcne irec qâŋ qâqâtâc barâ araŋ bacnembîŋ.

Ŋic jaŋe Anutu beherâ mamakâc embîŋ

²⁴ Inuc epie Anutuzi hone suŋgiŋ ejareme maŋzi sasec kosa hurerâ mamakâc ehuc maŋ sahaç-jeŋic bâsâqorembîŋ. ²⁵ Jaŋe Anutu jâmbomac rune râpeckerâ burec maickembîŋ. Ehuc ru bâbâfua-jeŋic qikiŋnerâ wiac bâfuakicne araŋ bacnehuc kiŋaŋ qaçnembîŋ. Wiac bâfua-fârewec e mumuteŋheczi mumuteŋhec jurazihuc jume sâckeocmu. Jâmbomac. ²⁶ Ŋic jaŋe e hâcne râpeckembîŋte suŋgiŋ-jopame sasec sâqocne jâmbâŋ bâfuambîŋ. Ehuc ŋokac jaŋe Anutuzi hata muwec i qâsorierâ mi jujuo rambîŋ. ²⁷ Â ŋic jaŋe inuc jaha ŋowe ŋonâŋ juju qikiŋnerâ maŋjeŋicko sasecte zocsâko zame jaŋe jaŋackoaŋ mamakâc fuŋmoc bâfuambîŋ. Erâ bâbâsifuc-jeŋicte okacne maŋ sahaç sisipiric rombiŋ. ²⁸ Jaŋe Anuture fuŋne mana-bipiehuc enzaŋauc ecnepie suŋgiŋ-jopame maŋjeŋic bâzickeme wiac mi eene i hâcne embîŋ. ²⁹ Ehuc wiac hehesicne fuŋne fuŋne hurepie fewec, sindaŋ, andac, râŋgeŋe, erâ maŋjeŋicko iŋguuŋ â zikâ â rârâsi â eeatuc, erâ gibioc izi fusucmakicne. ³⁰ Jaŋe gupe bapa, micko âkeç ŋic, Anutu kisâ eecne, zaubacne, pepecne,

1:22: Jer 10:14; Kor I 1:20; Mi Mâ 106:20; Sâc 4:15-19 **1:24:**
Apo 14:16 **1:25:** Rom 9:5 **1:27:** Tah 18:22; 20:13; Kor I 6:9

sahac mumuten, sâqocnere hata bâbâfua, nenjoc mamac dân qaqtara, ³¹ mañ mamasu tâmiric juju, doc bapa, uruc jaun tâmiric juju. ³² Wiac injucne ehuc sipirickezo, Anuture micdân injuc fokac i mana-bipiehuc sifu eenjopien, erâ i sawa mâcne, gâcnezi epie hume keten ejareenjopien wâc.

2

Juku bianje â sâqocne irec furine rozo

¹ Irec njic go wemocko fuñnege murârâñnecmu? Njic gâcnezi bahac bâfuapie mana sâqore-jarehuc gahacne fuñne bataniñkeekic hâcne. Mana sâqore-jareekomec, go ijaha hâcne eekomec i! ² Eme Anutuzi njic injuc eenjopien jañe okacne bazu- jareme sâcke-hâmoekac injuc mananjopeneñ. ³ Njic go gâcne jañere dânbahac muhuc ijaha eekic, ehuc “no Anutuzi akicnuocmu” injuc mu wiac moc ezic ine! ⁴ Me Wofunzi buuruc â wama ruaine sâc fekiecne egarehuc akicguhuc jume go wemocte manatac qatakic ehuc juekic? Go mañge bârisiecmurâ Anutuzi buuruc egareekac i mi mana taraekic me? ⁵ Go mañsanañ erâ mañge mi bârisiehuc zocfiki bafeku seron batec zoc zaza dameñko Anuture mumutara dân fârine fua taniñkeme zâhâmocguocmu. ⁶ Anutuzi njic eebapa-nâñecte sâc furine nârezokac hâcne. ⁷ Njic eehâmo gie pañzâic bahuc eri tatamac â juju saric bâfuaniñte samarieniñmu jañe juju sanañ jarezokac. ⁸ Njic

2:1: Mat 7:2; Joh 8:7 **2:4:** Pet II 3:15 **2:6:** Mi Mâ 62:12;
Muq 24:12; Mat 16:27; Joh 5:29; Kor II 5:10

râñgeñe dân fâri qizecne bâsuehuc wiac hehesicne bajuniñmu jañerao ine wiac zâzâicne â mimicne bâfuaocmu. ⁹ Sâqocne bapa sasawa, Judañic hâcne â Grikñic mâmâc, jañe zâic serereñ â hâhâwic sâko fua-jareocmu. ¹⁰ Tiñne juniñmu sasawa, Judañic hâcne â Grikñic mâmâc, jañe eri tatamac â wama fua-jareocmu. ¹¹ Anutu e ra rowec ware rowec mi focnekac.

Sâmutâc dân i maññecko qâreñkecicne

¹² Ñic sâcmutâc dân tâmiric juhuc sâqocne baengopieñ jañe sasawa sâcmutâc dân tâmiric jaha sipirickeniñmu. Â sâcmutâc dânhec juhuc sâqocne baengopieñ jañe sasawa Anutuzi sâcmutâc dânte sâcko dânjeñic mutara-jareocmu. ¹³ Sâcmutâc dân mâc hazeczi mananiñmu jañe Anutuzi honec-jopame tiñne mi engopieñ, manarâ reñkeengopieñ jañe ine tiñne mujareocmu. ¹⁴ Ñic qâpuc sâcmutâc dân mi mufua-jarekicne jañe manjeñicte sâcmutâc dân reñkehuc ine sâcmutâc dân tâmiriczi sâcmutâc dânhec tinac eengopieñ. ¹⁵ Inuc epie sâcmutâc dân i mañjeñicko qâreñkecicne, irec fuñne jañgeñkeekac. Sâcmutâc dân mañjeñicko qâreñkecicnere mañjeñiczi tutuc qajareekac, erâ wâc mañ mamasu-jeñiczi foc forisic ehuc ñifec mu qatarac eekac â ñifec mu bâmiriñ eekac. ¹⁶ I dameñ sâkore inuc eekac. Ira Anutuzi Jesu Kristo ecneme maññecko wiac soñsoñ fokac irec

2:8: Tes II 1:8 **2:9:** Rom 1:16; 3:9 **2:11:** Apo 10:34; Pet I 1:17 **2:13:** Mat 7:21; Joh I 3:7; Jak 1:22, 25 **2:14:** Apo 10:35
2:15: Rom 1:32

fuņne bataniņkeocmu. No Biņebianġ muekopac irec sâcko bataniņkeocmu hâcne.

Miti i saħaczi babajune mi ekac

¹⁷ Go zâņege Judaniġ muhuc sâcmutâc dâņzi ronġâņ egareme herâ foekic. Erâ no Anuture fuņne manakopac muhuc saħac fefe juekic. ¹⁸ Go Anuture micdâņ manaekic, erâ sâcmutâc dâņ qazu-garekicnere keci ezo, keci mi ezo i mana wosâeekic. ¹⁹ Ehuc gahacnere ziņuc muekic: “No tiņtuņ sâcne jowa qatanġ ejarepemu, â dapâcko juņġopieņ jaņe sâcne batamae-jarepemu, ²⁰ â ñic maņpurinġhec jaņe sâcne jaza bâtiņ ejarepemu, â qiemaņ jaņe wiac sâcne qazu-jarepemu. No sâcmutâc dâņhecte mamana â dâņfâri irec wamboņne rauckerâ jukopac i.” ²¹ Go inġuc muekiczi ñic ġâcne miti qazu-jarehuc gahacne maņ mi qazucneekic. Go ñic fiuc mi ronzepieņ jazahuc gahac fiuc roekic. ²² Ñowe ñonâņ ñohe bebehec mi ezepirec jazahuc gahac ñonâņge beheekic. Go nemuqâņ sureekiczi nemu ufuņte wiac fiuc roekic. ²³ Go sâcmutâc dâņte manasuhuc maņfefe eekiczi sâcmutâc dâņ qâsuhuc Anutu ġâc hecneekic. ²⁴ Irece hâcne keczinġuc qâreņkekecne: “Qâpuc jaņe ñoņere kiņte erâ Anuture zâņe musoriņkeeņġopieņ.”

Mârore ma ñicmaņko fome fârine muzu

²⁵ Go saħacġao Anuture ma bakicne i sâcmutâc dâņ reņketec fârinehec eocmu. Me sâcmutâc dâņ

2:16: Tim II 2:8 **2:17:** Jak 2:19 **2:18:** Fil 1:10 **2:19:** Mat 15:14; Luk 18:9 **2:20:** Tim II 3:5 **2:21:** Mi Mâ 50:16–21; Mat 23:3, 4 **2:24:** Jes 52:5; Ezek 36:20

qataratec sahaçgao ma izi fârimâc eocmu. ²⁶ Erâ dâŋ irec ŋifecne qac qârisic fokac wâc. Ŋic moc ma tâmiriczi sâcmutâc dâŋ reŋkeocmuo mahec tinac eocmu. ²⁷ Ehuc ma tâmiric fuarâ juekaczi sâcmutâc dâŋte gie baocmu eki ine fuŋnege rit-uocmu, miti papia â mahec juhuc sâcmutâc dâŋ qâsuaekic gore fuŋne hâcne rituocmu. ²⁸ Moc e mâc sahaçzi Judaŋic hawari eocmu â sahacko sawa mahec juocmu, iŋucnezi Judaŋic fârine mi eocmu. ²⁹ Maŋzi Judaŋic izi fârine. Â sahacko sâcmutâc dâŋte ma rojuju i mâcne, maŋko Mârore ma rojuju izi fârine. Ŋic iŋucnere ŋiczi mâcne, Anutuzi maname biankeocmu.

3

Hehesic-nâŋeczi Anuture dâŋ mi bawahaocmu

¹ Hâc, eme Judaŋic jaŋe qâpuc jaŋehec sâc mocjaha eŋgopieŋ, â sahacko ma i wiac racne me? ² Iŋuc aricne. Judaŋic jaŋe wiac bocjaha tahac-jopakicne. Jaŋe hâcne Anutuzi biŋedâŋ fuŋne fuŋne jazame irec rune embiŋ. ³ Eme wen-iŋuc? Judaŋic gâcne jaŋe dâŋte woŋec juku pârâckembiŋte ziŋuc muzo me? “Dodocke-jeŋiczi Anutu mume sasanaŋ-ticne bawahaocmu.” ⁴ I aric kereŋne! Anutu e buc mume sasanaŋ â ŋic ine mumu dodocne, iŋuc muzo. Miti qâreŋ moc ziŋuc hâcne fokac: “Go mumutiŋgezi dâŋfâri eocmu, â mumutaragezi qaçacne eocmu.” ⁵ Eme

2:25: Jer 4:4; 9:24, 25 **2:26:** Gal 5:6 **2:28:** Joh 8:15, 39;
7:24 **2:29:** Fuf 49:8; Rom 7:6; Kol 2:11 **3:2:** Rom 9:4; Sâc
4:7, 8; Mi Mâ 147:19, 20; 103:7; Pet I 4:11 **3:3:** Rom 9:6; Tim II
2:13 **3:4:** Mi Mâ 116:11; 51:4

hehesic- nâñeczi Anutu tiñne-ticnere fuñne bajarankekeacte weniñuc muzo? Zinuc muzo me? “Fuñne inuc fokacte Anutuzi irec okacne nâreme mi sâckeocmu.” (Dâñ i ñic mamananare sâcko mukopac.) ⁶ I aric kereñne! Anutu e hehesic- nâñecte okacne nâreme sâckeocmu. Mâc muzac wemocko mâreññic zenğoma dâñnâñec sâcne mutarazac. ⁷ Eme ñifec ine burecdâñ-nanezi Anuture dâñfâri dopeckeme zâñe biñe-ticne irec erâ fekacko wemocte sifu no wâc sâqocne bapa munarehuc okacne nareekac? ⁸ Erâ wemocte zinuc mi muenğopeneñ: “Sâqocne bapene ñerisierâ fârine bianñe fuaoc me.” Nâñe inuc muenğopeneñ munârehuc micko âkec enâreenğopieñ hâcne. Dâñ inucne muhuc hata i âteenğopieñ jañe okacne fua-jareme sâckeocmu.

Ñic mâmâc sasawa qâsoriekicne

⁹ Eme weniñuc? Judañiczi ñic gâcne jowarurâ sâc moc juñgopeneñ me? I aricne jâmbâñ. Biac mumbeneñ, Judañic â Grikñic nânâc mâmâc sâqocnere kiñañ qaenğopeneñ. ¹⁰ Dâñqâreñ moc zinuc hâcne fokac:

“Ñic moczi tiñne moc mi jukac, aric qaqacne;

¹¹ moczi mamananahac moc mi jukac,
moczi Anutu wira basac mi ecneekac.

¹² Jañe qâsoriekicne sasawa,
zenğoma repirembiñ;
moczi moc wiac bianñe mi eekac,
arictac jâmbâñ.

¹³ Marac-jeñic i hâmoc qâñqâñ bâbâfua,

namen-jenic forisieme eatuc dân wefuekac,
qotâ marasiñ kisonnerâ juengopienj.

¹⁴ Bipic-jenic sâwec â aaric dânte gegetrockeekac.

¹⁵ Zikare kike afec juengopienj.

¹⁶ Ima samaki bahuc tuhu bâfuawengopienj.

¹⁷ Wamare hata ine kâuc baengopienj.

¹⁸ Â zâñe mai-jenicko Anutüre hâhâwic mi fokac.”

¹⁹ Nâñac zîñuc manaengopenenj: Sâcmutâc dân i dân rune nâñe nâzâkicne. I ñic sasawa fuñne-nâñec rituhuc micnâñec qâtâocte ekicne. Eme ñic mâmâc sasawa kiñnâñec Anuturao fua-fârekac. ²⁰ Sâcmutâc dânte erâ kiñ nânâwoc ro i Anuturao moc mi fokac. Sâcmutâc dânzi sindañ-nâñec bataniñkeekac hâcne.

Jesu taha-nâñec bawecte e manasiñkehuc kiñ tâmiric ezo

²¹ Eme irec sâcmutâc dân fohame Anutuzi tiñne-ticne fua taniñkeocte hatane moc bâfuawec fokac, hata i sâcmutâc dânqâhâcko â porofete jañerao wâc biñedân-ticne mu qârenj ekicne.

²² Jesu Kristo manasiñkehuc kiñfâsâc erâ juju, hata i hâcne mamasasiñhec sasawa jañere biñe ekac. Fuñne-nâñec bârâwiñ mi fokac, ²³ Nâñac mâmâc sasawa sâqorembenjte Anutüre eri tata-macko fifisinere sâc mi engopenenj. ²⁴ Ehame Kristo Jesu e kiwiric-nâñec rowecte Anutuzi aki anonoc-ticnere erâ kiñfâsâc bacnâpoekac.

²⁵ Eki mume Jesu e socticnezi sâqocne-nâñecte

3:13: Mi Mâ 5:9; 140:3 **3:14:** Mi Mâ 10:7; Jes 59:7, 8 **3:18:** Mi Mâ 36:1 **3:19:** Rom 2:12; Gal 3:22 **3:20:** Mi Mâ 143:2; Rom 7:7; Gal 2:16 **3:21:** Apo 10:43; Rom 1:17 **3:23:** Rom 9:19; 5:2 **3:24:** Rom 5:1; Efe 2:8

erâ taha bawec, eme e manasiŋkeniŋmuzi taha i biŋeckeniŋmu. Sâqocne ewarehuc jukicne irec kiŋ i Anutuzi buuruc-ticnere râeme fowarehuc juwecte Jesu hâmocko râewecko tiŋnere fuŋne bataniŋkewec. ²⁶ E tiŋnere rune juekac, â Jesu manasiŋkeniŋmu jaŋe kiŋfâsâc bacjopaekac, irec fuŋne damenŋ ziŋuczia taniŋkeocte iŋuc hâcne ewec.

Mamanasiŋte erâ kiŋfâsâc fuazo

²⁷ Eme mumutenŋ-nâŋec moc fokac me? Aricne, mumutenŋ-nâŋec hetâtiekiecne. Wemozi hetâtiewec? Eehâmo giere hatazi me? Aricne, mamanasinŋte hatazi. ²⁸ Irec dâŋ ziŋuc manapene fozejec: Niç nâŋac sâcmutâc dâŋ rerenkere mâcne, mamanasinŋte erâ kiŋfâsâc fuaenŋopenenŋ. ²⁹ Me Anutu e Judaŋic nâŋere Anutu sawa, qâpuc jaŋere aricne? Iŋuc mâcne, e qâpuc jaŋere Anutu jaha wâc. ³⁰ E Anutu-nâŋec mocjaha jukaczi hâcne Judaŋic â qâpuc mâmâc mamanasinŋ-nâŋecte erâ kiŋfâsâc bacnâpoekac. ³¹ Eme iŋuc muhuc mamanasinŋte erâ sâcmutâc dâŋ hetâtiengopenenŋ me? Aric kereŋne, sâcmutâc dâŋ hezâkienŋopenenŋ.

4

Abraham â Dawidi jahe Anutu manasiŋkepire kinjekic behewec

¹ Eme sahackopec mimiŋne-nâŋec Abraham e wemo bâfuawec munaŋmu? ² E jahacne eehâmo

3:25: Tah 16:12–15; Heb 4:16; Efe 1:7

3:27: Kor I 1:9, 31

3:28: Gal 2:16

3:29: Rom 10:12

3:30: Rom 4:11, 12

3:31: Rom 4:3; 8:4; Mat 5:17

giere erâ kiñticne hefâsâewecko ropañ sâcne focnezac. Erâ Anuture maio ine arictâc. ³ Miti papiao dâñ ziñuc fokac i: “Abraham e Anutu manasiñkeme irec erâ maname kiñticne tarawec.” ⁴ Moc e gie bame furime râcnepene izi katucmâc rârâcne mi ekac, tofa babazucne ekac. ⁵ Â moc e ine eehâmo gie mi bapa, sâqocne bapa kiñjenic beheekac e manasiñkeocmu, eme Anutuzi ere hâcne mamasasiñ-ticnere erâ maname kiñfâsâc eocmu. ⁶ Dawidi e iñuc jaha Anutuzi ñic moc eehamo gie mi baha, akickehuc kiñ behecnecmu ere mu zeri ehuc kecziñuc qâreñkewec:

⁷ “Bahac-jeñic behekicne,
â sâqocne-jeñic bêtâmirekicne,
jañere manape zerine ekac;

⁸ ñic moc Wofuñzi manacneme kiñhec mi eekac,
ere manape zerine ekac.”

Abrahamzi micne bapa-nâñec ewec

⁹ Muzeri dâñ keczi i mahec nâñere biñe sawa ekac me ma tâmiric jañere mâmâc ekac? Abrahamte ziñuc manaengopeneñ: E Anutuzi mamasasiñ-ticnere erâ kiñ behecnecwec. ¹⁰ Mo damenko behecnecwec, mahec juhame me ma tâmitric juhame behecnecwec? Mahec mâcne, ma tâmiric juhame behecnecwec. ¹¹ E ma tâmiric juhuc Anutu manasiñkeme kiñticne behecnecwec irec maqâreñ zâhec râecnecwec. Eme Abraham e iñuc ehuc ine ma tâmiric jañe Anutu manasiñkehuc kiñfâsâc eenopieñ jañere micne ewec. ¹² Erâ

4:3: Fuf 15:6; Gal 3:6; Jak 2:23 **4:4:** Rom 11:6; Mat 20:7, 14

4:6: Mi Mâ 32:1, 2 **4:9:** Fuf 15:6 **4:11:** Fuf 17:10, 11

mahec nâñere micne bapa wâc ewec, erâ mahecte sawa mâcne, e ma tâmiric juhuc mamanasin̄te kike hata âtewec, hata ijaha mimiñ qâjâpec âtehuc Abraham micne bapa-nâñec mucnepene sâckeocmu.

¹³ Anutuzi Abraham â qâricfâc-ticne mâren̄ sâko mâren̄ biñe qajarewec, i sâcmutâc dân̄ reren̄te erâ mâcne, mamanasin̄-ticnere erâ kin̄ticne behehuc in̄uc ecnewec. ¹⁴ Eme biñe qajarekicne hâcne i sâcmutâc dân̄ rune jan̄ere ezac muzac, ine mamanasin̄zi wiac jawane ezac â mitio biñedân̄ feñec-nâpökicne i fârimâc ezac. ¹⁵ Sâcmutâc dân̄zi kin̄te okacne fai-nâñecko râeekac. Sâcmutâc dân̄ tâmiricko ine qaqtara mi fuaekac. ¹⁶ Irec hâcne wiac biñe qanârekicne i mamanasin̄te erâ fuaocmu. Wemocte? I aki anonoczi feñeñ râecneme. Abrahamte qâricfâc sasawa nâñâcnao sanan̄keocte. Sâcmutâc dân̄ko roweckembiñ jan̄e sawa mâcne, Abrahamzi mamanasin̄ hata âtewec ijaha âteñgopenen̄ nâñâcnao mâmâc. Eki hâcne Anuture maio apa wirec-nâñec ekac. ¹⁷ Dân̄qâren̄ zin̄uc hâcne fokac: “Noni go ñic gurune gurune jan̄ere mamac ecmurâ mugarepo.” Abraham e ine Anutu manasin̄kehuc zin̄uc manapan̄kewec: “E hâmoc qân̄qân̄ bâqârezo murâ bâqâreocmu â wiac mi fokac i mume fuaocmu.”

Abraham mamanasin̄ fekicne focnewec

¹⁸ E ñicguru bocjaha jan̄ere mamac ezokac, dân̄ i mana hamen̄ke-bipiehuc sifu irec mamanc

4:12: Mat 3:9; Pet I 2:21; Kor II 12:18 **4:13:** Fuf 18:18; 22:17, 18 **4:15:** Rom 3:20; 5:13; 7:8, 10 **4:17:** Fuf 17:5; Jes 48:13

juwec, zĩjuc âzâcnekicnere: “Qâricfâcge iñuc fuanzõngopieñ.” ¹⁹ Erâ wâc e jara-ticne 100 bazukicnezi e jahacne sa hac bâmuzuckekicne â Sarare sa hac kerenkekicne i hone-bipiehuc mamansin-ticne sifu mi ñeñgorõjkewec. ²⁰ Anutuzi biñedâñ âzâcnewec i maname fârimâc mi ewec, ehuc mamansin-te sanankerâ Anuture maname fekcicne sâko ehame zĩjuc muhuc mana utuckewec: ²¹ Anutu e wiac mocte biñe qaocmu i fârine sâcne bâfuaocmu. ²² Irec Abraham e mamansin focnewecte Anutuzi ere maname kinfâsâc ewec.

²³ Anutuzi maname kinfâsâc ewec, dâñ i Abrahamte sawa mi qârenkekicne, nânâcnere wâc mâmâc. ²⁴ Wofuñ-nâñec Jesu hâmockonec bâqârewec Anutu hâcne e manasinkepene nânâcnere iñuc jaha maname kinfâsâc enañmu. ²⁵ Jesu hâcne kinbahac-nâñecte erâ hâmocko râekicne, erâ wâc kinfâsâc enañte hâmockonec bâqârekcicne.

5

Jesuzi wama bâfua-nârewecte mu zeri ezo

¹ Nânâc mamansin-te erâ kinfâsâc embeñte Jesu Kristorao qohotahuc Anuture wamao juñgopeneñ. ² Jesu ekizia motâc ronârewecte akio juñgopeneñ wâc. Erâ juku Anuture huriri qâreñ fua tâcneme hone ziziwenañmu irec mamanaç juhuc mu zeri eeñgopeneñ. ³ Erâ i

4:18: Fuf 15:5 **4:19:** Fuf 17:17 **4:20:** Heb 11:7, 11, 34
4:22: Fuf 15:6 **4:23:** Rom 15:4 **4:24:** Pet I 1:21 **4:25:**
 Jes 53:4, 5; Kor I 15:17 **5:1:** Rom 3:24, 28; 4:24; Jes 53:5 **5:2:**
 Efe 3:12; Rom 3:23

sawa mâcne, hume sereren jujure wâc mu zeri eenngopenen, ehuc zinjuc manaenngopenen: Hume sereren jujuzi manjuruc bâfuaekac, ⁴ manjuruczi sasanaj bâfuaekac, sasanajzi sambante woworic bâfuaekac. ⁵ Sambante woworic juocmuzi ine mi qurutuaocmu. Tiri Mâro nârekicne eki Anutire manjaun manjanecko qonjinkewecte mi qurutuanajmu. ⁶ Kristo e njic nânjac han qa otec qa ehuc juhapene damen-ticne maickeme sâqocne bapa nânjacne okacne hâmowec. ⁷ Njic tinje mocte erâ hâhâmo i njic nânjacnao mi mecne fokac, mâc njic bianje mocte erâ hâhâmo ine fufuane mecne. ⁸ Anutu eki ine, sâqocne bâfuahuc bunao bahuc juhapene manjaun-ticne bâfuahuc mume Kristozi okac-nânjec hâmowec. ⁹ Eme zi socticnere erâ kinjâsac embenje okac damenjo roron sasapac sâcne enâre-jâmbânkeocmu. ¹⁰ Nânjac Anutu râsi ecnehuc juhapene Njokâ-ticnere hâmocte erâ mirinj bâcnâpowec. Eme zi mirinj bacnâpowecko juju-ticnere erâ sâcne juju saricko râec-nâpo-jâmbânkeocmu. ¹¹ Erâ i sawa mâcne, Wofun-nânjec Jesu Kristozi aki bâfuahuc Anutuhec baturec-nâpowecte Anutu hâcne mu zeri ecneenngopenen.

Jesure uruc jaunzi sâqocne-nânjec forârânnewec

¹² Irec zinjuc manana: Njic mocjahare erâ sâqocne mârenjo fuawec, â sâqocnere erâ hâmoc fuawec, ehuc njic sasawa janjao fotâcnewec. Injuc fuame njic sasawa sâqore-fârembinj.

5:3: Jak 1:2, 3; Pet I 1:5-7 **5:5:** Mi Mâ 22:5; 25:20; Heb 6:18, 19 **5:8:** Joh 3:16; Joh I 4:10 **5:9:** Rom 1:18; 2:5, 8 **5:10:** Rom 8:7 **5:12:** Fuf 2:17; 3:19; Rom 6:23

13 Sâcmutâc dân mi fuahame sâqocnezi qanaŋ fuarâ fowec. Erâ sâcmutâc dân arictacte mâc forâ fowefuwec. 14 Ehame hâmoczi Adamtao fuŋkerâ ñic juwefumbiŋ jaŋe ñicbomboŋ ejare warehuc juhame Mose fuawec, ine dân qâhuckehuc Adamte sâc mi bâfuambiŋ jaŋerao wâc sifu fotâcnewec. Adam e hâcne hâmocte micne bapa ehuctecne, zâhecko jujure micne bapa fuaocte mukicne ere sâsâcne ewec.

15 Aki anonoczi ine dân qaqaŋ sâc mi ekac. Ñic mocjaha dân qaqa-ticnere bocjahazi hâmo sipiric embiŋ. Ehame Anuture uruc jaun i ine ñic mocjaha Jesu Kristo ere aki anonocte erâ, Adamte dân qaqa sirickehuc, ñic bocjaha tahac-nâpokicne.

16 Ñifec aki anonoc â ñifec ñic mocjaha dân qaqa-ticnere fârine jahe sâcjekic bârâwiŋ. Ñic mocjahare bahaczi hârâcte mumutara bâfuawec, aki anonoczi ine bahac bocjaha qofackehuc kiŋfâsâc bâfuawec. 17 Ñic mocjaha dân qaqa-ticnere erâ hâmoczi ñicbomboŋ ewec, ehame ine aki anonoc fofodundun â kiŋfâsâc katucmâc fufua i ro maŋ eenŋopenenŋi ine ñic mocjaha Jesu Kristo ere erâ juju sananŋko ñicbomboŋ ejâmbânkerâ junaŋmu.

Adamzi hâmoc bâfuawec â Jesuzi juju bâfuawec

18 Irec zinuc: Ñic mocjahazi dân qaqa bâfuame ñic mâmâc sasawa hârâcte biŋe emben, inuc jaha ñic mocjaha tiŋne jume kiŋfâsâc ehuc juju biŋecke-fâremben. 19 Ñic mocjahare qaqatarare bocjahazi sâqorembeŋ, inuc jaha ñic mocjahare dânrerenŋe bocjahazi biankenanmu.

20 Sâcmutâc dâŋ e ine sâqocnezi qârâŋkeocte ŋondenŋao raziwec. Eme sâqocnezi fua fehame aki anonoczi sirickehuc meckecewec. 21 Fârine ziŋuc fuaocte: Sâqocnezi hâmocte uucmaŋko ŋicbomboŋ ewec jukac, iŋuc jaha aki anonoczi ŋicbomboŋ erâ kinfâsâc bacnâpohuc juju sanaŋko râec-nâpozejec. I Jesu Kristo Wofuŋ-nâŋec ere erâ iŋuc fuazejec.

6

Miti Opâ ruahuc sâqocnere hâmombenŋ

1 Eme weniŋuc muzo? Sâqocnere gie bahuc jaha jupene aki anonoczi fua qârâŋkehuc sirickezejec, iŋuc muzo me? 2 Iŋuc misac! Sâqocne hâmocnembenŋzi wemocko irec maŋnao zuhuckerâ junaŋmu? 3 Me kecziŋuc mi manaŋgopienŋ? Miti Opâ ruahuc Jesu Kristorao zuhuckembenŋzi hâmoc-ticnao ŋeutuckembenŋ. 4 Ine hâcne, nâŋâc Miti Opâ ruahuc Kristohec mâmâc hâmo duduc ekicne, eme Mamac eri tatamac-ticnezi Kristo bâqâreme hâmockonec faharewec jukac, iŋuc jaha nâŋâc qârêrâ juju qârî moc junzepeneŋ. 5 Nâŋâc hâmoc-ticnere hawari ehuc erao zuhuckembenŋte fafahare-ticnao sâc ijaha ehuc zuhuckenâŋmu. 6 Ziŋuc manaŋgopenenŋ: Maŋraŋqa-nâŋec Jesuhec mâmâc mariponŋko qakicne, i maŋsahac-nâŋecko sâqocnere tâpiri ŋeŋgoronŋkeocte â sâqocnere kinŋaŋ mocwâc mi qanaŋte. 7 Moc e hâmome

5:20: Rom 4:15; 7:8; Gal 3:19 5:21: Rom 6:23 6:1: Rom 3:5-8 6:2: Pet I 4:1 6:3: Gal 3:27 6:4: Pet I 3:21; Kol 2:12 6:5: Fil 3:10, 11 6:6: Gal 5:24

sâqocnere niŋgiŋ ŋetaracneocmu. ⁸ Kristohec hâmombeŋko ine ehuc wâc junaŋmu, iŋuc manapaŋkenanmu. ⁹ Kristore mananŋopeneŋ, e hâmockonec fahareweczi mocwâc mi hâmoocmu, hâmoczi ŋicbomboŋ mocwâc mi ecneocmu. ¹⁰ Hâmowec i sâqocnere arec mocjaha hâmome tarawec eme zi jukac i Anuture erâ jukac. ¹¹ Eme ŋoŋe iŋuc jaha ŋaŋacnere manapie sâqocne hâmocnemiŋ ehuc Jesu Kristo ehec Anutu jucneŋgopieŋ ezejec.

Sâqocnere kiŋaŋ mi qazo

¹² Sâqocnezi sahaç-ŋeŋic sisirowenao ŋicbomboŋ eŋarezo mume mi manacneŋzepieŋ, â sahaç-ŋeŋiczi sasecte suruc-ŋopame i wâc mi manacneŋzepieŋ. ¹³ Erâ wâc me sahaç-ŋeŋic i hehesicte mi qikiŋnemie sâqocnere kiŋaŋ qazejec. Aricne, ŋoŋe hâmockonec bâqârec-ŋopakicnezi Anuture gieo razinŋzepieŋ, ehuc mesahaç-ŋeŋic Anuture qikiŋnemie tiŋnere kiŋaŋ qazejec. ¹⁴ Ŋoŋe sâcmutâc dâŋko mâcne, Anuture aki anonocko juenŋgopieŋte sâqocnezi ŋicbomboŋ mi eŋareocmu.

Mitire gie bapa ŋic erâ juzo

¹⁵ Eme zi wenac ezo? Anuture aki anonocko razihapene sâcmutâc dâŋte aka râriewecte sâqocne bazo me? Iŋuc aricne! ¹⁶ Me ŋoŋe ziŋuc mi mananŋgopieŋ me? Ŋicbomboŋ moc maŋ sahaç-ŋeŋic qikiŋnecnehuc micne

6:7: Pet I 4:1 **6:10:** Heb 9:26–28; Gal 2:19; Pet I 3:18 **6:11:** Kor II 5:15; Pet I 2:24 **6:12:** Fuf 4:7 **6:13:** Rom 12:1; Efe 2:5; 5:14 **6:14:** Joh I 3:6 **6:15:** Rom 5:17, 21

renkeniņmuzi ere kiņaņ qaġafâc erâ gie-ticne baniņmu. Sâqocnezi ņicbomboņ-ņeņic eme ere kiņaņ qahuc juku hâmo sipiric eniņmu, me micrerenzi ņicbomboņ-ņeņic eme ere kiņaņ qahuc tiņkeniņmu. ¹⁷ ņoņe sâqocnere kiņaņ qaġa juwarembiņ i tarawec, eme zi mitire hata qazu-ņarekicne irec sâcko maņzi manahuc renkeņgopieņ irec Anutu mutenkezo. ¹⁸ ņoņe sâqocnaonec batarac-ņopakicnezi tiņnere kiņaņ qaġa embiņ juņgopieņ. ¹⁹ Maņraņqa-ņeņic gegec dâdocnere ņicko wiac fokac ira sâc hehuc dâņ ņazakopac. ņoņe mârâc jaha me saħac-ņeņic ġikiņnepie sasec â sindaņ irec kiņaņ qaġa ehame kosa jujumbieņ, eme dameņ ziņuczia me saħac-ņeņic ġikiņnepie tiņnere kiņaņ qaġa ehame maņfuru erâ junzepieņ. ²⁰ Sâqocnere kiņaņ qaġa jumbiņko tiņnere niņgiņ mi foņarewec. ²¹ Eme dameņ ira wemo fârime bâfuambiņ? Fârine hotâckembiņ irec ziņuczia manapie miminehec eekac; eme irec faicnao hâmoc bâbâfuane fokac. ²² Dameņ ziņuczia ine sâqocnere niņgiņ ņeņgoroņkeme Anuture kiņaņ qaġa embiņ juņgopieņ, ehuc fârine maņfuru rombiņ â zâhec juju sanaņ bâfuaniņmu. ²³ Sâqocnere furine hâmoc rozo, â Anutu aki anonoc-ticnere fârine ine Wofuņ-nâņec Jesu Kristo erao zuhuckehuc juju sanaņ rozo.

7

Mârore hata qario juzo

6:16: Joh 8:34; Pet II 2:19 **6:18:** Joh 8:32 **6:21:** Ezek 16:61, 63; Rom 8:6, 13 **6:22:** Pet I 1:9 **6:23:** Rom 5:12

¹ Âgo bureŋ, sâcmutâc dân mamana ñoŋere mukopac, ñoŋe kecziŋuc mi mananŋopien me? Sâcmutâc dân rerenke i hâmocko taraekac. ² Irec hâcne ñokac moc e ñowene qâricne juhame bebehene mi fokac, sâcmutâc dânko iŋuc mukicne. Ñowe-ticne hâmome ine sâcmutâc dânko ñowe ñonân jahere mukicne i tarakac. ³ Ñokac moc e ñowe-ticne qâricne juhame beherâ ñic moc-tao qohotame zuhuc bâtâcte kiŋ hurekac muzo. Ñowe-ticne hâmome ine sâcmutâczi niŋgiŋ-jo-fawec niŋgiŋ i tâcneocmu; ehame ñic moc baocmuo zuhuc bâtâcte kiŋ mi hureocmu. ⁴ Âgo bureŋ, ñoŋere fuŋne ijaha fokac. Kristo e sahac-ticne hâmocte qikiŋnewec, erao zuhuckehuc sâcmutâc dân hâmocnemiŋ. Zi ine ru mocte embiŋ. Hâmockonec faharewec jukac ere hâcne embiŋ. Irec nânâc Anutu fârine bâfuacnenzepen! ⁵ Juju ranqa jujumbeneŋ damen ira sâqocnere sasec i sâcmutâc dânzi zocticne ficneme me sahanâŋecko gie-ticne bajujec. Iŋuc enâreme hâmo sipiricte fârine bâfuamben. ⁶ Zi ine sâcmutâc dân hâmocnepene niŋgiŋ-ticne tarawecko dânqârenŋe hata ranqane mi âtehuc Mârore hata qâricne âtenŋopenen.

Sâqocnezi hobetenko ñesiŋnehuc suruc-nâpoekac

⁷ Eme zi weniŋuc muzo? Sâcmutâc dân i sâqocne me? I aricne i! Mâc sâcmutâc dân tâmiric muzac, no sâqocnere fuŋne mi mana tarazapo. Sâcmutâc dânzi ziŋuc mufua-

nâreekac: “Go andac mi ezemec.” Dâŋ i mi fome muzac andacte kâuc bazapo. ⁸ Sâqocne e ine sâcmutâc dâŋzi ŋesiŋ ecnehome maŋnane suruckeme andac fuŋne fuŋne fuawec. Sâcmutâc dâŋqâhâc mi fome muzac sâqocnezi mâc mâtenkerâ fozac. ⁹ No mârâc jaha sâcmutâc dâŋqâhâc tâmiricko sâcne juhâmopo. Izi zâhec sâcmutâc dâŋzi bâfuacnume sâqocnezi maŋnaneo qâreme hâmopo. ¹⁰ Sâcmutâc dâŋzi enareme juhâmopemurâ mukicne izi hâcne ŋerisierâ zikanehec ewec. ¹¹ Ine hâcne sâqocnezi hobetenko ŋesiŋnehuc sâcmutâc dâŋte erâ eatucnuhuc qâhâmocnuwec. ¹² Erâ ine ziŋuc: Sâcmutâc dâŋqâhâc e bahacmâc, â bâfâuckehuc moc moc mutâcnekicne i wâc bahacmâc â tiŋne â biaŋne. ¹³ Hâc, eme dâŋ biaŋnezi hâmoc bâfua-narewec? Inuc mâcne, sâqocnezi nuwec. Sâqocne fuŋne-ticne taniŋke-jâmbânkeocte dâŋ biaŋnezi âki heha hâmocne nuwec. Sâqocnere manapene gâgâpâcne jâmbân eocte sâcmutâc dâŋzi âki heha nuwec.

Me sahad-nâŋecko sâqocnezi gie hae ewec

¹⁴ Nâŋâc ziŋuc manaŋgopenen: Sâcmutâc dâŋ e Mârore tofa, no ine mârenje tofa, sâqocnere hozine. ¹⁵ No eebapa-nanere manape ririsi eekac. No wiac moc ezo enare-bipieme mi eekopac, â wiac sureekopac ine eekopac. ¹⁶ Erâ wiac sureekopac i ehuc ine sâcmutâc dâŋzi biaŋne irec fuŋne bataniŋkeekopac. ¹⁷ Eme hehesic

7:7: Wah 20:14, 17; Sâc 5:18, 21

7:8: Rom 5:13

7:10: Jak

1:15; Tah 18:5

7:11: Heb 3:13

7:12: Tim I 1:8

7:13: Rom

5:20

7:14: Mi Mâ 51:5; Joh 3:6

eekopac i no nahacne mañte mâcne, sâqocnezi mañnaneo fohuc surucnume eekopac. ¹⁸ No fune ziñuc manakopac: Mañnaneo, sa hac biucnanere mañko hâcne, bianzezi fic hae mi ewec jukac, wiac bianere mumu i muekopac, â fârine bâbâfua ine arictac. ¹⁹ No wiac bianze ezezac muhuc mi eekopac, â wiac sâqocne mi ezezac muhuc ine eekopac. ²⁰ Sâqocne mi ezo muhuc sifu eekopac ine ziñucte, i no nahac mâcne, sâqocnezi mañnaneo fic hae ewecte jâiñko eekopac. ²¹ Norao sâcmutâc kecziñuc fuaekac: Wiac bianze ezo muhape sâqocnezi maicnuekac. ²² No mañwâmbuñnanezi Anutu sâcmutâc dâñticnere mana añac eekopac. ²³ Ehamé me sa hac-naneo sâcmutâc moc fokac izi mañ mamanasu-nanere dâñhec rârsi eekopirec, ehuc niñgiñnume sâqocnere sâcmutâc dâñ me sa hac-naneo fic hae ewec ere kâpâcwâru ñic eekopac ²⁴ Ñic huac bucne no mozi sa hac-nane hâmocte biñe ekicne hetara-nareocmu? ²⁵ Anutu e Wofuñ-nâñec Jesu Kristore erâ mutenkekopac. Eme ziñuc hâcne: No nahac mañ mamanasu-nanezi Anutire sâcmutâc dâñ kiñañ qacneekopac, sa hac-nanezi ine sâqocnere sâcmutâc dâñ kiñañ qacneekopac.

8

Biankekecnezi Mârore hata âtezo

¹ Eme Jesu Kristohec juengopien ñic i jañerao sâqocnere okacne mumutara-jare moc mi

fufuane. ² Kristo Jesure erâ juju bâfua-nâreekac Mâro hâcne, ere sâcmutâc dânzi sâqocne â hâmoc irec sâcmutâc dân bârârie-nârewec. ³ Sâcmutâc dân e maṅraṅqa-nâṅeczi tâpirine bawahame nâṅâcnao gie bâipiewec. Irec Anutu e ziṅuc ehuc maṅraṅqa sâqocne-ticnere tâpiri game wahawec: Nokâ-ticne soreme sâqocne bapa nâṅâcne sahac hawari rorâ sâqocnere due bawec. ⁴ Ine maṅraṅqare hata mâcne, Mârore hata âteṅgopenenṅ nâṅâcnao sâcmutâc dânrerenṅ bianṅ fua-fâreocce iṅuc ekicne. ⁵ Juju raṅqare hata âteṅgopienṅ jaṅe maṅ mamasu-jeṅic juju raṅqare wiacte foekac, â Mârore hata âteṅgopienṅ jaṅe maṅ mamasu-jeṅic Mârore wiacte foekac. ⁶ Maṅraṅqare wiacte manasuhuc sisipiric bâfuazo, â Mârore wiacte manasuhuc juju â wama bâfuazo. ⁷ Maṅraṅqare wiacte mamasu izi Anutu kisâ ecneekac. Ehuc sâcmutâc dânṅticne mi dapecneekac, i wemot-icnezi sâcne ezac! ⁸ Maṅraṅqahec juṅgopienṅ jaṅere Anutuzi takickeekac.

⁹ Anuturre Mârozi maṅṅenṅicko fic hae ewecko ine maṅraṅqaopec mâcne, Mâroraopec utuckerâ juṅgopienṅ. Moc e Kristore Mâro tâmiric juocmuzi ere ṅicbiṅe mi juocmu. ¹⁰ Kristozi maṅṅenṅicko jukacko sahac-ṅenṅiczi sâqocnere erâ hâmoc ruckekac, â maṅ qâqâtâc-ṅenṅiczi ine kinṅfâsâc bacṅopakicnere juju ruckekac. ¹¹ Eme Jesu hâmockonec bâqârewec Anutu hâcne, ere

8:2: Rom 3:27; 7:23, 24 **8:3:** Fil 2:7; Apo 13:38; 15:10; Heb 2:17; 4:15 **8:4:** Gal 5:16, 25 **8:6:** Rom 6:21 **8:7:** Mat 12:34; Jak 4:4; Joh 8:43; 12:39 **8:9:** Kor I 3:16; 12:3 **8:10:** Gal 2:20; Fil 1:21; Pet I 4:6

Mârozi mañņeĵicko ñeņe juju ekacko, Kristo Jesu hâmockonec bâqâreweczi mañņeĵicko Mâro-ticne jukac ere erâ saħac-ņeĵic hâmocne i iñuc jaha bâqâreocmu.

Mârohec erâ Anuture naru motecfâc juzo

¹² Âgo bureņ, irec hâcne mañrañqazi wemo nâre tahac eekacte nâñâc tofa bazucnehuc ere wiacko qohotanañmu? ¹³ Ñoņe mañrañqare wiacko qohotaniñmuo sipirickeniñmu. Â Mârore tâpirio saħacte dâñ qaniñmuo ine juju sâcne jurazihuc juniñmu. ¹⁴ Anuture Mârozi de âsic ejareha juengopien jaņe hâcne Anuture naru motecfâc. ¹⁵ Anutu e Mâro ñarewec i kiñañ qaƣafâcne juhuc harierâ hâhâwic bacneniņte mâcne, naru motecfâcne erâ juniņte ñarewec. Irec hâcne “Mamac biañ-nâñec” muhuc wasickeengopeneņ. ¹⁶ Nâñâc Anuture naru motecfâc juengopeneņ, dâñ i Mârozi mañnâñecko musokame manaengopeneņ. ¹⁷ Naru motecfâcne juñgopeneņzi Anuture huhure wâc rauckenañmu, Kristohec mâmâc wirec rauckenañmu. Zira mâreñko ehac zârâ hâriņ faio junañmuo ehac eri tatamac biañko mâmâc jaha junañmu.

Ñic mañ saħac-nâñec biañke-fâreħame wiac omanezi iñuc jaha biañkeocmu

¹⁸ Sambâñko Anutuzi eri añac bâfua-nâreocmu, i mâreñko zâic busâqoc fokac ira sâc hepe

mamakâc eocmu. ¹⁹ Anuture naru motecfâc eri aṅac-nâṅec fua tâcneocte, wiac bâfuac-jopakicne jaṅe irec woṅec juhuc maṅ hâhâṅ ejareekac. ²⁰ Wiac omane jaṅe wâc bie gufec hâmo qanzaraṅte maṅnao râec-jopakicne, erâ jaṅacne maṅte mâcne, ṅiczi saḥacko râec ejarewec. Erâ jaṅe iṅuc hati fohuc juniṅte mi mujarekicne. ²¹ Wiac omane jaṅe wâc hâmo qanzaraṅte niṅṅiṅ hetararâ friehuc Anuture naru motecfâc nâṅâcne eri aṅacko zuhuckeninṅmu hâcne. ²² Nâṅâc manaṅgopenenṅ, damenṅ i hâcne maickeocte wiac omane jaṅe harac huacbuc ehuc gozi kicjopame zâic manaenṅopienṅ. ²³ Erâ wiac omane jaṅe sawa iṅuc mi eenṅopienṅ, sambânṅkonec qaṅasune Mâro hâcne nârekicne nâṅâc iṅuc jaha, naru motecfâc-ticne juṅgopenenṅ irec fuṅne Anutuzi, saḥac-nâṅec bâfiriehuc, bataniṅkeocte woṅec juhuc maṅzi harac huacbuc eenṅopenenṅ. ²⁴ Nâṅâc bâpiaṅ-nâpokicne irec fârine tapamaṅko fokâc. Fârine tâtâc fuame muzac harac huacbuc mi enzapeṅ. Wiac i basahuc ine harac huacbuc ezo. ²⁵ Fârine tâtâc mi fuame honeenṅopenenṅte maṅzi worickehuc woṅec juenṅopenenṅ hâcne.

²⁶ Mâro e wâc geṅec dodoc-nâṅecte erâ bafic-nâpoekac. Nâṅâc iṅuc me iṅuc numupene sâckeocmu, i mi mana-hâmoenṅopenenṅte Mârozi âkehoc-nâporâ saṅuc ṅiczi mi mamananane i qaekac. ²⁷ Ehame Anutu e maṅ hohonezi Mârore

8:18: Kor II 4:17; Rom 5:2 **8:19:** Kol 3:4 **8:20:** Mi Mu 1:2; Fuf 3:17–19; 5:29 **8:21:** Pet II 3:13; Joh I 3:2 **8:23:** Kor II 5:2; Gal 5:5 **8:24:** Kor II 5:7

dâñ manaekac. Mâro e mitinjic jañere okacne Anutu dâñsâc-ticnao numuekac.

Anutu e nâñâcnao gie fuñkewec i bataraoctu

²⁸ Nâñâc manañgopenen, Anutu manzi jaunkeninmu jañe wiac izi me izi fua-jarehuc bâbâpian- jenic dopecke- fâreocmu, ine eki hefârec-jopaocte maname fowecte hefârec-jopawec jañe hâcne. ²⁹ Njic qanan honec- jopame sâckewec jañe Njokâ- ticnere hawari eniñte mucjopawec. Eme qafâc-ticne bocjaha ehapene e jahac ine mârâc hahac-nâñec erâ juocmu. ³⁰ Anutu e njic qanan hone wosâec-jopawec sâc hefârec-jopawec. Hefârec-jopawec sâc kinfâsâc bacjopawec. Kinfâsâc bacjopawec sâc eric-jopawec.

Wiac moczi Anuture uruc jaunjkonec mi batarac-nâpooctu

³¹ Dâñ irec fuñne weniñuc fokac? Anutuзи âgo enârehome mozi râsi enâreocmu? ³² E Njokâ-ticne mi sakarehuc nâñâcnere erâ qaisockeweczi ere erâ wiac sasawa mi sesi qequeric jaha tahac-nâpooctu me? ³³ Anutu bâwosâecfâc-ticne jañe mozi dâñko râec-jopaocmu? Anutu e jahac kinfâsâc bacjopakac. ³⁴ Me mozi tunjopaocmu? Kristo Jesu e jahac hâmowec, erâ hâmowec sawa mâcne, e hâmockonec wâc faharerâ Anuture mefâreo feweczi nâñâcne riñ rohuc juekac. ³⁵ Kristore uruc jaunjkonec wemozi moc batarac-

8:27: Mi Mâ 139:1; Kor I 4:5 **8:28:** Efe 1:11; 3:11 **8:29:** Kol 1:18; Heb 1:6 **8:31:** Mi Mâ 118:6; Mat 1:23 **8:32:** Joh 3:16 **8:33:** Jes 50:8 **8:34:** Mi Mâ 110:1; Joh I 2:1

nâpooomu? Zâic busâqoczi me hume sererenzi me fific guguriņzi me roroczi me qarâ suriņnezi me zârâ zâpâzi me zika kâpâcwâruzi? ³⁶ Dâņqâreņ kecziņuc fokac irec sâcko wiac enâreengopien: “Gore erâ zoaņne zoaņne qa imac enâreengopien, lama qa hezuc eejarene jaņere sâcko râec-nâpoņgopien.”

³⁷ Erâ wiac iņucnezi mi bâdoc-nâpooomu, aricne, Jesure uruc jaunko âtesieņnehuc sasanaj fekiecne bâfuarâ domaengopeneņ. ³⁸ Irec no ziņuc manapaņkekopac: Hâmoczi me jujuzi, aņelozi me ņicbomboņzi, wiac ziņucne fofonezi me zâhec fufuanezi, me wiac tâpirineheczi, ³⁹ wiac faicne wawahanezi me juwicnec wewefunezi, wiac izi me izi Anuture uruc jaunķonec moc mi batarac-nâpo-jâmbâņkeocmu. Uruc jaun i Wofuņņâņec Kristo Jesu ere erâ qoroc-nâpoekac.

9

Paulo e Judaņic âgofâcne jaņere buzâic manawec

¹ No Kristore ņiczi burec mi ehuc dâņ jâmbomac mupe mananiņ. Tiri Mârozi maņnane batamaehame mana- jâmbâņkehuc ņazape: ² No busâqoc fârine manahuc maņnane wemo afecne fârorockeekac. ³ Judaņic âgofâc-nane, soctofafâc-nane hâcne, jaņere erâ no nahac Kristore sacmaņķonec wawahare sâcne afeckeżapo. ⁴ Jaņe hâcne Israe ņic, eme Anutuzi fuņfuņfâc-ticne bacjopawec, ehuc tâpiri tatamac-

8:36: Mi Mâ 44:22; Kor II 4:11
32:32

8:37: Joh 16:33

9:3: Wah

ticne jowatuwec. Erâ jañehec zâzâfic erâ sâcmutâc dân mufua-jarewec â mai ecnehuc juniñte hatane jowatuwec. Erâ wâc biñedân jazawec. ⁵ Â mimiñnefâc-jenjic jañe mitire funqizecne jumbiñ. Eme Kristozi ñicsahac rohuc fuawec i jañere guruo fuawec. Wiac sasawa irec Wofun jukac, Anutu hâcne, e mumutenñheczi mumutenñhec jurazihuc juzejec sanañ. Jâmbomac.

Mitihec jañe Anuture ñicfâc

⁶ Wiac iñuc fuawec irec Anuture dân dodocne ewec mi muzo. Israeraonec fuambiñ jañe Israe ñic fârine ninic mi efârembiñ. ⁷ Â Abrahamte to-fafâc jañe qâricfâc-ticne fârine wâc mi efârembiñ. Eme irec hâcne dân ziñuc âzâcnekicne: “Isakare qâricfâc jañe sawa gore biñe eniñmu.” ⁸ Dân irec fune ziñuc fokac: Sahaczi Abrahamtao fuambiñ sâc Anuture ñicfâc mi efârembiñ, biñedânko fuakicne jañe sawa Abrahamte qâricfâc fârine embiñ. ⁹ Biñedân kecziñuc mukicne: “Jara moc tarame Sarazi motec rorâ bajuhome mocwâc warepemu.” ¹⁰ Erâ i sawa mâcne, Rebekarao sâc ijaha fuawec. E mimiñne-nâñec Isaka ehac juhuc motec jajahec kiwec-jofawec. ¹¹ Eme motec jahe mi fuahuc wiac biane me sâqocne mi ehapire Anutuzi jahere ziñuc âzâcnewec: “Haczi qare kiñañ gazejec.” ¹² Ine Anutu mumupañ-ticne sanañkeocte manasuhuc motec juju-

9:4: Wah 4:22; Sâc 7:6; 14:1, 2 **9:5:** Rom 1:25; Mat 1:11; Luk 3:23; Joh 1:1 **9:6:** Rom 2:28; 3ar 23:19 **9:7:** Fuf 21:12 **9:8:** Gal 4:23 **9:9:** Fuf 18:10 **9:10:** Fuf 25:21

jekicte mâcne, e jahacne maņte ro bârâwiņ ejactehuc dâņ i muwec. ¹³ Irec dâņ moc ziņuc hâcne fokac: “No Jakobore enarewec â Esaure takicnuwec.”

Anutu e juju bapa-nâņecte mâcne, buuruc-ticnere ehâmo-nâreekac

¹⁴ Eme irec weniņuc muzo? Anutu erao gurin bapa hehesicne moc fokac me? I aric kereņe. ¹⁵ E Mose dâņ ziņuc âzâcnewec: “No ņic moc akickezo murâ akickepemu â ņic moc buuruc ecnezo murâ ecnepemu.” ¹⁶ Irec ņicmaņte me ņic eebapare mi muzo, Anutu buuruc-ticnere sawa muzo. ¹⁷ Anutuzi Farao dâņ âzâcnewec, irec miti papiao ziņuc qâreņkekicne: “No gorao tâpiri-nane bataniņkepe zâņe biņe-nane mâreņ sâc raocste muhuc âkendâņgupo hâcne.” ¹⁸ Eme irec Anuturre ziņuc manazo: E ņic moc akickezo murâ akickeocmu â moc e maņne bâzickezo murâ bâzickeocmu. ¹⁹ Eme ņifecne ziņuc mecne nazacmu: “Anutu e ņic nâņâcne wemocte maname sâqoreekac? E wiac moc ezo mume ņiczi aka hehecne i mi fokac.” ²⁰ ņic go wemogere Anuturre dâņ mucmu? Kuzizi wemocko kuzi bapa ziņuc âzâcneocmu: “Go wemocte sâc iņucne bacnumeņ?” ²¹ Me kuzi bapa e afe izia kuzi gâcne ņic jaņere biņe â gâcne bec qâto jaņere biņe bame sâqoreocmu me?

Miti runezi râpene embiņ

9:12: Fuf 25:23 **9:13:** Mal 1:2, 3 **9:14:** Sâc 32:4 **9:15:** Wah 33:19 **9:16:** Efe 2:8 **9:17:** Wah 9:16 **9:18:** Wah 4:21; 7:3; 9:12; 14:4, 17 **9:20:** Jes 29:16; 45:9 **9:21:** Jer 18:6

²² Eme Anutu e kuzi kimben- ticnere biñe, zâhecko qanzañ-joparâ behec-jopaocte maname fokac, kuzi i jañerao zika bâfuahuc tâpiri-ticne bataniñkeocte sifu bumâten- ticnere erâ jâbu ejare warehuc juekac. ²³ Erâ ñifecne kuzi buuruc-ticnere biñe, juku eri tatamac-ticnao biric-jopaocte maname fokac, kuzi i jañerao eri añaç mâriri hejareocte bacjopa juekac. ²⁴ Eme Judanjic sawa mâcne, qâpuc mâmâc kuzi buuruc-ticnere biñe enañte hefârec-nâpoekac. ²⁵ Eme irec porofete Hoseare papiao dâncticne zinjuc fokac:

“Ñicguru mi rucjopapo jañe ‘nore ñicfâc’ mucjopapemu, â biñemâc juwec e zâñene ‘joroc-nane’ mucnepemu.”

²⁶ “Eme ‘ñoje nore ñicfâc aricne’ ñazakicne, mâreñ ira wâc zâñe-jeñic ‘Anutu jujunere naru motecfâc’ fuaocmu.”

²⁷ Erâ Jesajazi hahanje bahuc Israe ñic jañere zinjuc muwec wâc: “Israe qâricfâcne jañe hâwecmecko moñgeñ fokac irec sâc bâfuazo murâ bâfuaniñmu, eme sifu uuc zanzañne sawazi biankeniñmu.” ²⁸ Wofuñ e mâreñko dâncticnere fârine qeñnea bâfuame fideteñ efâreocmu.

²⁹ Jesajazi findañdân moc zinjuc hâcne muwec:

“Sambân momori jañere Wofuñ e ñicukic moc mi getâc-jopa-nâreme muzac, ine Sodom jañere sâc bâfuanzapeñ, â Gomora jañe injucne enzapeñ.”

9:22: Jer 50:25 **9:23:** Efe 1:3–12; Rom 2:4; 8:29 **9:25:** Hos 2:23 **9:26:** Hos 1:10 **9:27:** Jes 10:22, 23; Rom 11:5 **9:29:** Jes 1:9

Judanĳic jaŋe tiŋke bian eniŋte eipiembij

³⁰ Eme zi weniŋuc muzo? Kecziŋuc: Niċ qâpuc tiŋke bian eniŋte mi fotariembijzi tiŋke bian embij, mamasiniŋte tiŋke bian embij hâcne. ³¹ Â Israe ŋic sâcmutâc dâŋ reŋkehuc tiŋke bian eniŋte fotariembijzi sâcmutâc dâŋ bâmâmâckembij. ³² Wemocte? Ziŋucte: Jaŋe mamasiniŋte mâcne, mâc juju bapa-jeŋicte tiŋke bian eniŋte mumbij. Ehuc hatao qânâ fowec ira kike-jeŋic hezumbij. ³³ Kecziŋuc hâcne qâreŋkekiecne fokac:

“Manakic, no Zion haeo qânâ moc râekopac ira kike-jeŋic hepirickeniŋmu, â buse ŋeŋene moc hekopac ira heariweniŋmu. Eme moczi e manasiŋkeocmu ine mi quru-tuaocmu.”

10

Anutuzi kiŋ tatarare hata bâfuawec i Judanĳic jaŋe qikiŋnembij

¹ Qomâfâc-nane, Judanĳic âgofâc-nane biankeniŋte maŋnanezi boc enareme Anutu irec numucneekopac. ² Jaŋe Anutu kiŋaŋ qacneniŋte zoqac ehuc juengopieŋ i honeekopaczi mukopac. Erâ i hatane kâuc bahuc eengopieŋ. ³ Jaŋe Anuturaonec kiŋfâsâc eere hata fokac i kâuc baengopiente jaŋac tiŋke bian eniŋte giene baengopieŋ. Irec Anutu tiŋne rune mi dapecnembij. ⁴ Niċzi mamasiniŋhec erâ

9:30: Rom 10:20 **9:31:** Rom 10:2, 3 **9:32:** Jes 8:14 **9:33:** Jes 28:16; Mat 21:42; Pet I 2:6 **10:1:** Apo 22:3 **10:3:** Rom 9:31, 32

kinfâsâc bâfuanan̄te Kristozi sâcmutâc dân̄te hata hebâzicke-nârewec.

⁵ Mose e dân̄ zîñuc qâren̄kewec: “N̄ic moc e sâcmutâc dân̄te tin̄ke bian̄ hata âteocmuzi juju bâfuaocmu.” ⁶ Â mamasan̄te tin̄ke bian̄ eere dân̄ ine kecziñuc fokac: “Go man̄gezi zîñuc mi muzemec: Mozi sambân̄ko ferâ Kristo bawahaocmu, ⁷ me mozi hârâcko hurâ Kristo hâmokicne jan̄eraonec jowa wefuocmu?” ⁸ In̄uc mâcne, tiri papiao kecziñuc mukicne: “Miti i zoricko mi fokac, i mumugao â mamanagao râekicne.” I mamasan̄te dân̄ n̄aza qazuc een̄gopenen̄ irec mukicne. ⁹ Jesu e Wofuñ-nane i mumugao focmu â Anutuzi Jesu hâmockonec bâqâre-narewec i mamanagao focmu eme bian̄kerâ jucmu. ¹⁰ Man̄zi Jesu manasin̄kehuc kinfâsâc ezo, â miczi e mutan̄in̄kehuc bian̄kezo. ¹¹ Eme irec hâcne miti papiao kecziñuc qâren̄kecicne: “E manasin̄keocmuzi mi qurutuaocmu.” ¹² Judan̄ic â Grikn̄ic bârâwin̄ mi en̄gopenen̄, e mocjahazi Wofuñ junâre-fâreekac, erâ wiac fuñne fuñne hezu henâreekac. ¹³ Irec hâcne zîñuc mukicne: “Wofuñte zân̄e riwaseckeocmuzi bian̄kerâ juocmu.” ¹⁴ Ririwasecke i e mi manasin̄keen̄gopen̄zi wemocko eniñmu? Anutu mamasan̄ike i dân̄ticne mi manaen̄gopen̄zi wemocko eniñmu? Anutu dân̄ticne mamana i bin̄e mumu tâmiric wemocko eniñmu? ¹⁵ Â

10:4: Mat 5:17; Joh 3:18; Heb 8:13 **10:5:** Tah 18:5; Gal 3:12; Sâc 30:12, 13 **10:8:** Sâc 30:14 **10:9:** Kor II 4:5 **10:11:** Jes 28:16 **10:12:** Apo 10:34; 15:9 **10:13:** Joe 2:32

biņe mumu i moczi jaza sorec mi ejarehame wemocko fuanīmu? Dāņqâreņ ziņuc hâcne fokac: “Biņebianj mumuņic jaņere kike fânânzi maņ baafec bâfuaekac.”

Anutuzi Judanĵic bâĵpiec-jopawec

¹⁶ Biņebianj ine ģic gâcnezi mana rereņ mi em-biņ. Jesajazi wâc ziņuc muwec: “Wofuņ, biņedâņ muhaņņekicne i mozi mana zakiewec?” ¹⁷ Irec ziņuc manazo: Mamanasiņ i miti mu manacte fârīne, â miti mu manac i Kristore michte fuaekac.

¹⁸ Hâc, eme ziņuc muhuc wiokopac: Jaņe miti mi manambiņ me? Iņuc mâcne,

“Micfânânĵ-jeņiczi mâreņ sâcke-fârewec â dâņjeņiczi mâreņ qaņeņnao fisiwec.”

¹⁹ Eme mocwâc wiohuc mukopac: Israe ģic jaņe mi mecne mana-hâmombiņ? Iņuc mâcne, qanaņ Mosezi ziņuc qâreņkewec i mupe:

“No ģic omane rocjopape siric-ņopapie iinguaņ ejarenzepieņ;

ņicguru mutucne hefârec-jopape buņeņic gâpârezejec.”

²⁰ Eme zâhec Jesajazi dâņ bâutuckehuc kecziņuc muwec:

“Mi basacnuhuc jumbiņzi bâfuacnumbiņ, nore mi muhuc jumbiņ jaņe maic-jopapo.”

²¹ Erâ Israe ģic jaņere ine ziņuc mu qâreņ ewec: “No ãicguru mana qâomane â mickobacne damenj zora meoric qajarehuc jupo.”

11

Israe ñic gâcne sâko mañsanañ ehapie Anutuzi afecne rowosâec-jopawec

¹ Eme wiokopac: Anutuzi ñicfâc-ticne beheç-jopawec me? Aricne, iñuc mi ewec. Noni Israe ñic jaha wâc, Abrahamte qâric, Benjaminte guruonec.

² Anutuzi qanañ manac-jopawec ñic i mi beheç-jopawec. Me ñoñe Eliare binañ miti papiao i wose manac mi eençopien me?

³ E Israe ñic jañere dâñ muhuc Anutu zinjuc âzâcnewec: “Wofuñ, jañe porofetefâcge jopafârehuc alatage henzañnembij, eme zi buc juhape no wâc nuninthe muñçopien.”

⁴ Iñuc mume Anutuzi dâñ weninuc bâतिकecnewec? “No ñic 7000 sakarec-jopape Baali nemu mi dapecnembij.”

⁵ Eme dameñ zi iñuc jaha Anutuzi aki anonoc-ticnere erâ ñic tiwâne rowosâec-jopawec juñçopien.

⁶ I aki anonoc-ticnere iñuc ejarewecko juju bapajenjicte mi ejarewec. Iñuc mi eme muzac, ine aki anonoc fârine mi ezac.

⁷ Eme weninuc? Israe ñic jañe wiac fârine bâfuazo mumbij i mi bâfuambij; rowosâec-jopakicne jañe sawa bâfuambij, gâcne sâko ine mañsanañ embij.

⁸ Irec zinjuc hâcne qârençkecicne fokac: “Anutu e mañjenjic bâsifuckewec, zâñe-jenjic bâhâpowec â hazec-jenjic qâzic qawec. Iñuc ejareha jumbinzi juençopien.”

⁹ Â Dawidizi mu qâreñ ewec:

11:1: Mi Mâ 94:14; Sam I 12:22; Jer 31:37; Fil 3:5 **11:2:** Ñic I 19:10, 14 **11:4:** Ñic I 19:18 **11:5:** Rom 9:27 **11:6:** Gal 3:18 **11:7:** Rom 9:31 **11:8:** Jes 29:10; Sâc 29:4

“Jaņe nânâ nahapie râsi fisipie fâfâc-jopazejec,
Mâreņko jopaha okacne fisi-jarezejec.

¹⁰ Go zâņe-jeņic bâhâpotec tiņtuņ qanzepieņ,
â râpe-jeņic bahasicketec miņgeņ miņgeņ
junzepieņ sanaj.”

Oliwa jâcnao tieņne jabane râe zuhuc ekicne

¹¹ Eme wiokopac: Israe ņic jaņe fâfâc-jopawec
i waha qâhâmoc-jopaocte iņuc fuawec me? Iņuc
aricne, jaņe bâbâpiaņ râpeckepie qâpuc jaņere
biņe ewec, ine qâpuc jaņe manapie Israe ņic jaņe
honec-joparâ iinguuņ ejarenințe iņuc fuawec.

¹² Eme miti qiġikiņ-jeņiczi mâreņ sâc ņic jaņerao
miti mâriri bâfuawecko, â dodocke-jeņiczi ņic
qâpuc jaņerao miti zâkâņ bâfuawecko, opon, juku
furu jaha manjeņic bârisiepie fârine mo iņucne
fuazokac!

¹³ Qâpuckonec opâ ruac ņoņe dâņ zi
ņazape mananiņ: Nô qâpuc ņoņere aposolo
juekopaczi gie-nane baericko bazihuc baekopac,

¹⁴ i soctofafâc-nane âkeriņ- jopape gâcnezi
bâjâpecnuhuc biankeniņte. ¹⁵ Anutuzi Israe ņic

behec-jopame mâreņ sâc miti fuawec, izi juku
rocjopame mi hâmockonec qâqârezi fuazokac
me? ¹⁶ Nânâ hata qaqasune jambunkepene

nânâ mâmâc sâcke-fâreekac, â jâc gâtânezi furu
fome tieņne iņuc jaha furu foocmu. ¹⁷ Eme

Anutuzi tieņne gâcne hetâcne behec ehuc irec
dodoma tacko oliwa kâteo fuakicne irec tieņne
go râe zuhuc egarewec. Eme oliwa gâtânere

11:9: Mî Mâ 69:22, 23; 35:8
10:19

11:14: Tim I 4:16

11:11: Sâc 32:21; Apo 13:46; Rom
11:16: 3ar 15:17-21

ņiņic wokemaņzi gume hesiwiņ egarehame,
¹⁸ go tieņne raņqane mi mana pitiwac-jopahuc
 maņfefe mi ezemec. Inuc ezicte ziņuc manac:
 Go gâtâ gume hesiwiņ mi ecnekomec, gâtâzi
 go egareekac. ¹⁹ Mupe go ņifecne ziņuc mecne
 mucmu: “Anutuzi no hâcne râe zuhuc enareocte
 tieņne raņqane hetâcne behec ejarewec.” ²⁰ I
 mukic mac. Jaņe miti qiķiķiņ-jeņicte hetâcne
 behec ejareķicne â go ine mamasaiņgere
 dodomatac-jeņicko domakomec. Irec go saħacge
 mi bafehuc rumerâ juzemec. ²¹ Anutu e oliwa
 e jahacne tieņne mi akickewecko go inuc jaha
 mi akicguocmu. ²² Irec go buuruc-ticnere
 mecne â fâro-ticnere mecne mi nikecguzejec.
 Fâro-ticnere fârine i miti râpeckembiņ jaņerao
 fuawec, â buuruc-ticnere fârine i gorao fuawec.
 Eme go erao qohotahuc jutec fârine i sâcne
 fogareocmu. Inuc mi etec ine go wâc hetâcne
 behec egareocmu. ²³ Erâ wâc tieņne raņqane jaņe
 maņsanaņ-jeņic beheniņmuo Anutuzi mocwâc
 râe zuhuc ejarezo murâ sâcne ejareocmu. ²⁴ Eme
 kâteonec oliwa rocgurâ hae oliwa jâcnao râe
 zuhuc egareweczi hae oliwa e jahacne tieņfâc
 mocwâc zuhuc-jopazo murâ mi qurķeocmu, i
 onzoiņ jaha zuhuc-jopaocmu.

Judaņic jaņe juku mitimaņko razi-fâreniņmu

²⁵ Âgofâc-nane, ņoņe, kâuc bahuc ņaņacne
 mamanao roweckerâ mana sifuckenziņiņte dâņ
 soņne zi mufua-ņarepe. Israe ņic tucne jaņe

11:17: Efe 2:11–19 **11:18:** Joh 4:22 **11:20:** Rom 12:16
11:22: Joh 15:2, 4; Heb 3:14 **11:23:** Kor II 3:16

mañsanañ erâ juhapie qâpuc sâko jañe mitire mañko raziniñmu. ²⁶ Razihapie zâhec Israe ñicguru qâqâhâc bianke-fâreniñmu. Ziñuc hâcne qârenkekecne fokac:

“Zion haeonec Bâbâpiañ moc fuarâ Jakoboraõ jawa âsu gârec ofañneme raocmu.

²⁷ Inuc eme no sâqocne-jeñic zurerâ jañehac mocwâc zâzâfic epemu.”

²⁸ Israe ñic jañe qâpuc ñoñere erâ Biñebianñe râsi juñgopieñ â rowosâec-jopakicnere ine mimiñnefâc-jeñic jañere erâ Anuture jorocfâc juñgopieñ. ²⁹ Anutu e âgo zâzâfic dânсарic-ticne â hehefâre dânticne mi dockeocmu. ³⁰ Qâpuc ñoñe mârâc jaha mañsanañ erâ jumbiñ, eme zâhec Israe ñic jañe mañsanañ ehapie Anutuzi buuruc-ticnaõ râec-ñopawec. ³¹ Inuc jaha jañe mañsanañ juhapie Anutuzi buuruc-ticnaõ râec-ñopawec, i jañe wâc buuruc ejareocte inuc ewec. ³² Anutu e ñic sasawa bâturec-jopahuc qaqatarao basanañ-jopawec, i mâmâc sasawa buuruc-ticnaõ râec-jopaocte inuc ewec.

Anutu e mâsi-ticnere â miti-ticnere mutenkezo

³³ Opon, Anutu e mitire mâriri â mañqârân â mamana saric-ticne irec zâkânñe mo inucne fokac! Mumutara-ticnere fuñne i ñiczi mi mamane â gie bapa-ticnere hata i ñiczi mi honene.

³⁴ “Wofunñe mañko dân fokac i mo ñiczi manawec,

11:25: Luk 21:24; Joh 10:16; Rom 12:16 **11:26:** Mat 23:39; Mi Mã 14:7; Jes 59:20; 27:9 **11:27:** Jer 31:33, 34; Jes 27:9 **11:32:** Gal 3:22; Tim I 2:4 **11:33:** Rom 9:23; 10:12; Jes 45:15

me dâñ muhame mozi bafickerâ muwec?”

³⁵ “Me mo ñiczi e qanañ wiac moc qikiñecnewecko tofane bazucneocmu?”

³⁶ Wiac sasawa eraonec wareekac â erao siñkerâ foekac â erao rafâreekac. Mumutenzi mumutenj i erao zuhuckeme zuhuc forazihuc juzejec sanañ. Jâmbomac.

12

Sahac-nâñeczi Anuture taha bâzi ezejec

¹ Âgofâc-nane, no Anutu buuruc-ticnere erâ dâñ hazec qâuñ ñazape mananiñ. Ñoñe sahad-ñeñic Anutu qikiñecnepie taha bâzi qaqaacne â tirine eme honeme biankezejec. Inuc ehuc Anutu kiñañ fârine qacnezepienj. ² Erâ juju bapan-ñeñiczi miti tâmiric jañere sâc mi ezejec. Ñoñe mañ mamanasu-ñeñic bâtikiepie hawarine moc eme Anutu micdâñ-ticnere sâcko gie bianje â hohone ziziwene â tirine irec wosâenzepienj.

Moc e mitio gie mucnekicne sâc bazejec

³ Aki anonoc tahacnukicnere mâmâc sasawa ñazape mananiñ: Moc e jahacnere maname fefene boc mi ezejec, Anutuzi miti râcnewec sâc i sawa ezejec, sâc jâuruhuc ine mi ezejec. ⁴ Ziñuc mananiñ: Fâri ombâñ-nâñec mocjaha e kiñañ qaqaqâc-ticne bocjahazi gie fuñne fuñne baengopienj. ⁵ Eme ñifec Kristorao inuc jaha

11:35: Jes 40:13; Hio 15:8; Jer 23:18; Kor I 2:16 **12:1:** Rom 6:11, 13; Pet I 2:5; Joh 4:24 **12:2:** Efe 4:23; 5:10, 17; Rom 1:28; Gal 1:4 **12:3:** Kor I 12:11; Efe 4:7 **12:4:** Kor I 12:12

bocjahazi qâfâsâepene fâri ombânj mocjaha ekac, erâ me kikefâcne juhuc dodopec eenjopenej. ⁶ Mitire tâpire fuņne fuņne i aki anonoc nôre tahac ekicne sâc fonâre rakac. Eme irec sâcko gie banzepeney. Irece moc e Anuture micdânj mumufuare tâpiri focnekacko mamanasij-ticnere sâcko muzejec. ⁷ Moc e kiņaj qaja giere tâpiri focnekaczi gie i bazejec, â moc e qajazu gie baocmu e irec tâpiri focnekac sâc bazejec. ⁸ Uņsawanj dâj muekac e irec tâpiri focnekacko muzejec, bâmec gie baekac e maņticne bawahahuc bazejec, moc e micne juocte mucnekicko zoqachec juzejec, â moc e jauj gie baocmuzi buafec jaha bazajec.

Wama jauņte dâj

⁹ Jauj babac i sazaczi sawa mi enzepienj. Wiac sâqocnere mamakâc-ņopazejec â wiac bianjao qohotanzepienj. ¹⁰ Ņoņe ââgo fârine junzepienj, erâ sâsâsec eniņte sisiric efârenzepienj. ¹¹ Rokac bârokac tâmiric qicwânzâņhec erâ junzepienj. Mârore buņenjc bâruņkezejec, ehuc Wofuņ kiņaj qacnenzepienj. ¹² Sambâj worickehuc bubianj junzepienj, â zâic busâqocko maņuruc junzepienj. Erâ nunumu gie i uruc zuhuc jaha banzepienj. ¹³ Anuture mitiņicfâc hume sererenj jupie hone bafic ejarenzepienj. Ņic fisipie afeckerâ hezu hewâneņ ejarenzepienj. ¹⁴ Ņopa jâpec eņarenijmu jaņe jambuņ-jopanjepienj. Micņenickonec sâwecdâj mâcne, jambuņdâj

12:5: Kor I 12:27; Efe 4:25 **12:6:** Kor I 12:4 **12:7:** Pet I 4:10, 11 **12:8:** Mat 6:3; Kor II 8:2; 9:7 **12:9:** Pet I 1:22; Tim I 1:5; Amo 5:15 **12:10:** Pet II 1:7; Fil 2:3 **12:11:** Bar 3:15; Apo 18:25 **12:12:** Tes I 5:17 **12:13:** Heb 13:2

sawa wahazejec. ¹⁵ Bubianj eniñmu jañe qâtec-joparâ bubianj enzepieñ, kioniñmu jañe qâtec-joparâ kionzepieñ. ¹⁶ Maññenñic bâturehuc wiac mocjahare henziñnehuc junzepieñ. Nañacnere boc mi manapie sâckezejec. ¹⁷ Sâqocnere okac babazuc mi enzepieñ. Nñic âgo ejareekac ijaha enzepieñ. ¹⁸ Nñicne ñicne jañehuc wamao juju i eene eme ñoñe hâcne irec hatane âtenzepieñ. ¹⁹ Âgofâc, kiññenñic ñañac mi batarahuc Wofuñ kimbeñ-ticnere biñe râepie fozejec. Dâñ ziñuc hâcne qârenñekicne fokac: “Kiñ babatara i nore gie, â okacne babazu i no nahac epemu, Wofuñ e iñuc mukac.” ²⁰ Nñoñe ine ziñuc enzepieñ: Râsige nânâre hâmome nânâ gumezemec, opâre hâmome opâ gumezemec. Go iñuc etecne mimiehuc zara marane eocmu. ²¹ Sâqocnezi go mi bawahacguzejec. Aricne, go wiac bianñe ehuc sâqocne bawahazemec.

13

Kia gawaman jañere dâñ

¹ Nñic mâmâc sasawa kia gawaman jañere dâñ renñkenzepieñ. Kia gawaman gie i Anuturaonec. Jurañgopieñ jañe Anutуре micte jurañgopieñ hâcne. ² Irec moc e kia gawaman jañere dâñ qâsuahuc Anutуре dâñ qâsuaocmu. Erâ qâsuaniñmu jañe okacne

12:14: Mat 5:44; Apo 7:59; Kor I 4:12 **12:16:** Mi Mâ 35:12; Muq 3:7; Rom 15:5; 11:20 **12:17:** Jes 5:21; Tes I 5:15 **12:18:** Mar 9:50; Heb 12:14 **12:19:** Sâc 32:35; Tah 19:18; Mat 5:39
12:19: Tes II 1:6, 7; Rom 13:4; Heb 10:30 **12:20:** Muq 25:21, 22; Mat 5:44 **13:1:** Tit 3:1; Joh 19:11; Muq 8:15

roniņmu. ³ Ebapa-jenĭc bianņe jaņe kia gawaman jaņere mi hâwic-jopaekac, sâqocne baņgopienĭ jaņe ine hâwic-jopaekac. Irec go hâhâwic tâmiric juzo murâ wiac bianņe ezemec. Wiac bianņe etec gore manapie sâckeocmu. ⁴ Kia gawaman jaņe Anuture kiņaņ qaqa hâcne, ņezicgupie juhâmocmurâ mujarekicne. Go sâqocne bacmuo ine hâwicguzejec, jaņe zika maņgâņ mi bajueņgopienĭ. Jaņe Anuture kiņaņ qaqazi sâqocne bapa jaņerao bâbâtiņ gie bahuc okacne jareniņmu. ⁵ Irec dânĭjenĭc reņke-jâmbânkezo, erâ i okacnere hâhâwicte sawa mâcne, gahacne maņzi tutuc qagarezacte wâc dânĭjenĭc reņkezemec. ⁶ Jaņe Anutuzi soņaņ gie mujarewec i baņgopienĭte hâcne ņoņe takesi monenĭ râeņgopienĭ.

Âgo erâ manĭaunĭ eec ezo

⁷ Eme ņoņe wiac mukicne sâc ejarenzepienĭ: Takesi jajarere mukicne jaņe takesi jarenzepienĭ, kiņaņ qaqajarere mukicne jaņe kiņaņ qajarenzepienĭ, araņ babajarere mukicne jaņe araņ bajarenzepienĭ, sâsâsec-jopare mukicne jaņe sâsec-jopanzepienĭ. ⁸ Wiac omanere tofa bazupie tarazejec, maņĭaunĭte tofa mocjaha babazuc epie tatarane ine mi fokac. Maņĭaunĭhec juekaczi sâcmutâc dânĭ reņkekac muzo. ⁹ Sâcmutâc dânĭ ziņuc mukicne: ņowe ņonâņ ņohe bebehec mi ezepirec, go zika mi qazemec, go fiuc mi rozemec, go andac mi ezemec, sâcmutâc dânĭ i

erâ gâcne i mâmâc sasawa qâhâckerâ qizecne zinjuc mukicne: Gahacnere egareekac sâc ijaha âgogere egarezejec. ¹⁰ Manjjaunhec juocmuzi âgo-ticne sâqocne mi ecneocmu. Irec manjjaunzi sâcmutâc dânrereņ fârine ekac.

3oaņ qaqacko aimuņ juzo

¹¹ Injuc eniņte muņarekicne ņoņe dameņ zirec fuņne mananġopieņ, guņkonec qârerâ faharezo irec zâfo maickekac hâcne. Miti fuņkerâ manambenġ ira bâbâpiaņte dameņ zozoricne fowec, zi ine dameņ qândânġekac. ¹² Nafe tarazo ekacte hae fureocte furic râekac. Irec dapâcte wiac hetararâ tatamackonec sându maro menâņecko razizejec. ¹³ 3oaņ qaqacko jujune pectâc junzepeneņ, nâ areņ â tiwâ kadahe me gae wowo â sasec mamakâc me rârâsi â iiriac i mi ezo, aricne. ¹⁴ Wofuņ Jesu Kristo e ņaqi-ņeņic eme rojunzepieņ. Erâ sahaç-ņeņiczi sasec bâfuazacte mana manahuc jaunġ bacnenzepieņ.

14

Miti bocjaha me afecne fonâreekazci mâmâc Wofuņte erâ juzo

¹ Mitio gegec bititicne juenġopieņ jaņe âgo miriņ ejarenzepieņ, ehuc wiac omanere memenġaru epie mu qâsuac mi ejarenzepieņ. ² Moc e manabâc tâmiric wiac kosa nâekac, moc

13:9: Wah 20:13–17; Tah 19:18; Sâc 5:17 **13:10:** Kor I 13:4; Mat 22:40 **13:11:** Efe 5:14; Tes I 5:6, 7 **13:12:** Joh I 2:8; Efe 5:11; Tim II 1:10 **13:13:** Luk 21:34; Efe 5:18 **13:14:** Gal 3:27
14:1: Rom 15:1; Kor I 8:9; Fuf 1:29; 9:3

e ine memengaru ehuc monzan sawa nâekac.
³ Irec wiac kosa nôocmuzi âgo-ticne nâ bătâc eekac eremane wawahane mi ezejec, â nâ bătâc eocmuzi âgo-ticne wiac kosa nâekac ere maname mi sâqorezejec. E Anuture ñic jaha wâc.
⁴ Irec go wemogezi mocte kiñan qaqa miti babaju-ticnere fuñne mutec sâckeocmu? E sanankeocmu me dockeocmu, i Wofuñ-ticnere wiac. Erâ e mi dockeocmu, Wofuñ e sâcne hume keten ecneme qin herâ domaocmu. ⁵ Â zoan gie bapare inuc jaha, moc e wose bătâc eocmu, â moc e maname qâfâsâeocmu. Moczi me moczi inuc me inuc ezo murâ mana sanankehuc ezejec. ⁶ Zoan gie bapa wose bătâc eekaczi Wofuñte erâ eekac, â nânâ kosa nâekaczi Wofuñte erâ eekac wâc, ehuc Anutu nânâre danje âzâcneekac. Â nâ bătâc eekaczi inuc jaha Wofuñte erâ eekac, ehuc Anutu danje âzâcneekac wâc. ⁷ Nânâcnaonec moczi moc e jahacnere mi juekac â e jahacnere mi hâmoekac. ⁸ Juju i Wofuñte juengopeneñ, hâhâmo i Wofuñte hâmoengopeneñ. Irec junañmu me hâmonañmu i Wofuñtea enañmu. ⁹ Irec hâcne Kristozi hâmokicne â qâricne mâmâc Wofuñ enâreocte hâmorâ wâc qârewec. ¹⁰ Eme go wemogezi âgogere dân mutaracmu? Me go wemogezi âgogere manatec wawahane eocmu? Nânâc mâmâc sasawa Anuture maio fuapene dânâñec mutara-nâreocmu. ¹¹ Ziñuc hâcne qârenkecicne fokac:

14:3: Kol 2:16 **14:4:** Mat 7:1; Jak 4:11, 12 **14:5:** Gal 4:10

14:8: Gal 2:20; Tes I 5:10; Luk 20:38 **14:10:** Apo 17:31; Kor II 5:10; Mat 25:31, 32

“Wofunzi mukac, no jujâmbânkekopacte
 ñic zengoma dienzi henare-fârenzepien
 â zengoma micjeniczi muafecnunzepien.”

¹² Irec nânâc mâmâc sasawa Anuturao
 fune-nâhec munanthe munârekiecne hâcne.

Nânâ qowizi uucmanthe fârine mi eekac

¹³ Irec nânâc dân mumutarac mi enzepenen.
 Kecziñuc ine ezo: Ñoñe âgo gâcne mañ bâsifuc
 ejarehuc mamana sâqoc bâfua-jarenzipiñte
 manabâcko junzepien. ¹⁴ No Wofun Jesuhec

juekopaczi ziñuc mana sanankekopac: Nânâ i
 me i nâhuc wâwânâñhec eene mi fokac. Â moc e,
 wiac kosa nârâ wâwânâñhec ezo, iñuc muhuc sifu
 nâocmu, e ine jâmbomac wâwânâñhec eocmu.

¹⁵ Go ine âgoge nânâre busâqoc bâfuacnetec
 manjaun micke-garezo. Âgoge biankeocte
 Kristozi ere wâc hâmwec, go irec manasuhuc
 âgoge nânâre erâ ba imac mi ecnezemec.

¹⁶ Ñoñe wiac fârine bajunçopien i ñic gâcnezi
 musoriñkenzipiñte soñankehuc bajunzepien.

¹⁷ Nânâ qowizi Anutire uucmanthe fârine mi
 ekac, kiñfâsâc fufua â wama â Tiri Mâroronec
 zeri bubian izi wiac fârine. ¹⁸ Moc e hata i

âtehuc Kristo kiñan qacneme e Anutuzi honeme
 biankeocmu â ñic jañe ere manapie sâckeocmu.

¹⁹ Irec hâcne nânâc wama foocete â miti mañ
 sâc fua bâbâriñ eocte hehesanañ enzepenen.

²⁰ Go nânâre erâ Anutire gie ima mi qazemec.

14:11: Jes 45:23; 49:18; Fil 2:10, 11 **14:12:** Gal 6:5 **14:14:**
 Mat 15:11; Apo 10:15; Tit 1:15 **14:15:** Kor I 8:11–13 **14:16:**
 Tit 2:5 **14:17:** Luk 17:20 **14:19:** Rom 12:18; 15:2

Nânâ qowi i bianje sasawa, moc e ine, nârâ manjbâiñ gie bapemu, injuc manahuc sifu nâme sâqorecneocmu. ²¹ Go âgoge manjbâiñ ecnezicte ere erâ qowi â waiñ opâ qikiñnetec sâckeocmu. ²² Go wiac injucnere manjbâsâcge fokac, i Anuture maio bajutec gahacnao sawa fozejec. Mo e wiac mocte maname sâckeha manjbahac fâfâsâc eme biankeocmu. ²³ Â moc e mana manjahec eipiehuc sifu nâme sâqorecneocmu, e mamasaniñ faio me ekac irec. Wiac i me i mamasaniñ faio mi epene bahacnehec eocmu.

15

Jesure sâcko erâ nâñâcnere mamananac sawa mi junzepeneñ

¹ Sanañheczi gegec dodocne âsi qatañ ejarenzepeneñ, nâñâc nâñâcnere mamananac mi junzepeneñ. ² Nâñâc âgofâc-nâñec jañere mamananac juhuc biankeniñte â mitio sanañkeniñte bafic-jopanzepeneñ. ³ Kristo e injuc jaha e jahacnere mamananac mi juwec. Dâñqâreñ moc ziñuc hâcne fokac: “Go musoriñgumbiñ jañere mumusoriñzi nore faio fekac.” ⁴ Mârâc jaha dâñ mu qâreñ embiñ, i nâñâc mitire fuñne mana-hâmonañte embiñ, dâñqâreñ izi hâcne basanañ-nâpohuc baafec-nâpome wiac biñe qanârekeicne irec mamananac junañte qâreñkeicne. ⁵ Anutu e babasanañ â bâbaafec runezi eñareme Jesu Kristore sâko

14:21: Kor I 8:13 **14:23:** Tit 1:15 **15:2:** Kor I 9:19; 10:24, 33 **15:3:** Mi Mâ 69:9 **15:4:** Rom 4:23, 24; Kor I 10:11

manj mamanasu mocjaha erâ junzepienj. ⁶ Ehuc manjenjic â micnenjic tureme Wofun Jesu Kristo ere Anutu â Mamac mutenkenzepienj.

Manzi roroc erâ juzo

⁷ Irec hâcne Anuture eri qârenj fuaocte Kristozi rocņopawec inuc jaha ñoņe manzi roroc efârenzepienj. ⁸ No kecziņucte ñazakopac: Anutu e mimiņnefâc-nâņec biņedân mujâmbânkehuc jazawec i fârinehec eocte Kristozi mahec nâņere kiņaņ qaqa ewec. ⁹ Erâ wâc ñic qâpuc jaņe Anutu buuruc-ticnere erâ mutenkeniņte inuc ewec. Dâņqârenj ziņuc hâcne fokac: “No qâpuc jaņerao mutenġuhuc zâņege mumbiankepemu.” ¹⁰ Erâ dâņ moc kecziņuc fokac: “Ñic qâpuc ñoņe Anuture funfunfâc jaņehc mu zeri enzepienj.”

¹¹ Erâ moc ziņuc:

“Qâpuc ñoņe zengoma Wofun mucne bacnenzepienj,

â ñicne ñicne jaņe e muac baafec ecnenzepienj.”

¹² Erâ Jesajazi dâņ moc ziņuc mu qârenj ewec:

“Jâctuc Isai gitecne luarâ

eki qâpuc Wofun ejareocmu;

eme qâpuczi ere mamanaç juniņmu.”

¹³ Zeņaņ rune Anutu e mamanasin-ņeņicte bubianj â wama bâfua-ņareme Tiri Mârore tâpirio ñesiņniepie sambânj zeņaņ-ņeņicte manariņ qâriņ ñoņerao fua ñeiņ ezejec.

Paulo gie-ticnere dâņ

15:5: Fil 3:16 **15:8:** Mat 15:24; Apo 3:25 **15:9:** Rom 11:30; Mi Mâ 18:49; Sam II 22:50 **15:10:** Sâc 32:43 **15:11:** Mi Mâ 117:1 **15:12:** Jes 11:10; Bar 5:5

14 Âgofâc-nane, ñoñe uruc jaun-ñejic fokac â mitire fuñne i wâc sâcne mana-hâmonjopien, irec ñañaczia fan qaçac ezo murâ mi bititienjmu, i no fuñne-ñejic injuc hâcne mana sanankekopac. 15 Erâ sifu no Anutuzi miti gie tahacnuwecte dân gâcne i mai qanzan jaha qârenke-ñarehuc mitire manasu-ñarekopac. 16 Jesu Kristo e qâpuc ñoñere miti kinanñic râecnuwecte no Anutu Biñebian-ticnere taha bapa gie bape Tiri Mârozi manfuru bacñopame Wofunje taha bian enzepien. 17 No Anuture gie baekopac i Jesu Kristore erâ manape fefene eekac. 18 Gie i nahackoan wemo-nanezi bazapo, aricne, Jesu Kristozi nengoc ñenareha qâpuc jaje miti mana reren enjete miczi â mezi gie bapo. 19 No tâpiri â mâsihec juhuc Tiri Mâroraconec hâbi rorâ Jerusalem haeconec funkerâ Kristore Biñebian mâren râreckehuc muiñne rakupe Ilirikon mârenko mickewec. 20 Ehuc gâcne jajere hâsinao bazipore Kristore zâñe biñe mi ra fisiwecko furunao zocne qapemurâ herâ wâwânzâñneekopac. 21 Dânqâren zinjuc hâcne fokac irec sâcko eekopac:

“Dân binañ-ticne mi ejarekicne jaje e honeninjmu,
â biñe-ticne mi manambin jaje mamananhec eninjmu.”

Paulo e Roma hae fotâcnerâ Sipen mârenko razo muwec

15:15: Rom 1:5; 12:3 15:16: Rom 11:13; Fil 2:17 15:18: Kor II 3:5 15:19: Mar 16:17 15:20: Kor II 10:15, 16 15:21: Jes 52:15

²² No funje inucte hâcne ñoñerao fâpemurâ damenj sâc quñkeekopac. ²³ Juwarepo i ñoñerao fâpemurâ manzi sawa manahuc jupo, zi ine mârenj gâcnao gie-nane tarakacte ²⁴ Sipen mârenko razo ehuc ñoñerao fisipemurâ manasukopac. Fisipe ñoñehac sahad hâronj qaqaç erâ ñoñeraonec moc moczi qâtecnpie mâmâc Sipen mârenko ranzepenē. ²⁵ Damerj ziñuczia ine mitinjic kiñan qajarehuc Jerusalem haeo razo ekopac. ²⁶ Makedonia â Akaia kikefunj jaje Jerusalem haeonec mitinjic hapetac dopecjopaninte afeckerâ mupañkembij. ²⁷ Jaje buafec-jenictē inuc epie sâckewec. Qâpuckonec miti mamana jaje Jerusalem haeonec mitinjic jajeonec miti boreñ rombinje tofa jajeonec fokac. Eme tofa i hâcne bazu-jareninte sahackopec wiac jarepie sâckeocmu. ²⁸ Eme mumupañ-jenictē fârine fuawec i no nahac bararâ jarepe tarame ñoñerao fotâcnehuc Sipen mârenko rapemu. ²⁹ Erâ no manakopac, ñoñerao metariñ mi fâpemu, Kristoraonec jambuñ kadahe bafâpemu.

Ere erâ numuniñte qârenje-jarewec

³⁰ Âgofâc-nane, no Wofun-nâñec Jesu Kristo ere erâ â Mârore jañte erâ hazec qâunj ñazakopac, ñoñe nore erâ Anutu numucnehuc juju gie-nanere baficnunzepenē. ³¹ Baficnupie Anutuzi

15:22: Rom 1:10–13 **15:24:** Kor I 16:6 **15:25:** Apo 19:21; 20:22 **15:26:** Kor I 16:1; Kor II 8:1; 9:2, 12 **15:27:** Rom 9:4; Kor I 9:11 **15:29:** Rom 1:11 **15:30:** Kor II 1:11; Fil 1:27; Kol 4:3; Tes II 3:1

Judaia mârenko ñic jañere meonec bataracnuzejec, â Jerusalem haeonec mitiñic bubiañ wiac jarepe añac-jopazejec. ³² Izi zâhec Anutuzi manahame bubiañko fârâ ñoñerao jumanahuc âke mâtenñuzejec. ³³ Anutu wama rune eki ine ñoñehhec jufârezejec. Jâmbomac.

16

Paulo e Roma haeonec ââgo guru jañere manamac juwec

¹ Ñokac âgo-nâñec Foibe, Kenkereaï kikefun bafic-jopahuc juekac, e fâ fisime ² ñoñe mitio munârekicne irec sâcko Wofunte erâ hezu hewâneñ ecnenzepeñ. Erâ e irec me irec ecneme bafickenzepeñ. Ñokac e no nahacne â gâcne mâmâc kiñañ qanârehuc juwec.

³ Erâ Prisika â Aqila, Kristo Jesu gie-ticnere babafic jahec-nane jahe jasanïñ, manamac-nane jaherao fokac. ⁴ Jahe hâcne nore erâ sahad-jekic qaisockezo epicte no sawa mâcne, hae sâc kikefun nâñe jahere bubiañ bajuenñopenen. ⁵ Jahere ficko mitire tumañneñgopien ñic ñokac i jañe wâc mu zeri ejarekopac. Âgo-nane Epaineto, Asia mârenñ masunao micne barâ Kristoñic ewec, e wâc mu zeri ecnekopac. ⁶ Maria e wâc mu zeri ecnekopac âzâcneniñ, e ñoñere erâ gie bocjaha bawec. ⁷ Androniko â Junia, Judaniñ âgo jahec-nane, kâpâcwâru mâmâc bacnâpokicne, jaherao manamac-nane fokac i jasanïñ. Jahe ñic zâñe biñeheczï aposolo jañere guruo juhuc, no mâc

juhape Kristore miti bânierâ manapic. ⁸ Mitio âgo-nane Ampiliato e wâc mu zeri ecnekopac. ⁹ Urbano, Kristore giere babafic embenj, â Sitaki âgo-nane jahe wâc mu zeri ejactekopac i jasanij. ¹⁰ Apele, Kristore njic fârine, â Aristobulo ere wiacfâc jaņe mu zeri ejarekopac. ¹¹ Judanjic âgo-nane Herodion erâ Narikiso wiacfâcne gâcne mitio juengopienj, jaņerao mamana-nane fokac. ¹² Nokac jahec Tirifaina â Tirifosa, Wofunje erâ gie sâko bapic, â Peasi e inuc jaha Wofunje erâ gie panjâic bawec, jaņe mu zeri ejarekopac wâc. ¹³ Wofunje bufunj Rufu â nengoc-ticne, e no wâc nengoc enarewec, jaherao mamana-nane fokac. ¹⁴ Asinjrito, Filegonj, Hereme, Patoroba, Herema â âgofâc-jeņic jaņe mu zeri ejarefârekopac. ¹⁵ Filologo â nokac Julia erâ Nereo â senticne â Olumpa â miti njic nokac jaņehc juengopienj, jaņe mâmâc mu zeri ejarefârekopac. ¹⁶ Naņac wâc mitio meo babac enzepienj. Hae sâc Kristore kikefunj jaņe noņere mamana-nane wâc juņgopienj.

Mitiņic burec burec jaņere uņ muwec

¹⁷ Âgofâc, noņerao fâfâuc bâfuahuc, miti qazu-ņarekicne i bâsifuckezo eenngopienj njic i jaņere ruc bahuc dic bajarenzepienj. ¹⁸ Njic inucne jaņe Wofunj Kristo mâcne, jaņe jaņacne hobu kiņanj qacneengopienj. Ehuc mumumbianj dâņ muhuc njic nokac omane mu bâmirinj ejarehuc eatucjopaengopienj. ¹⁹ Miti mana rerenj-ņenjicte binje i

16:7: Kor II 8:23 **16:13:** Mar 15:21 **16:16:** Kor I 16:20;
 Pet I 5:14 **16:17:** Mat 7:15; Tit 3:10 **16:18:** Fil 3:19; Eżek
 13:18; Kol 2:4; Pet II 2:3

hae sâc rafârewec. Eme no irec ñoñere bubian manahuc kecziñuc eniñte ñazape: Wiac bianñere mañafec junzepien â wiac sâqocnere ine mañ ñeñemâc enzepien. ²⁰ Anutu wama rune eki mi zoraha Satan ro bawaha âte ecneocmu. Wofun Jesu Kristo ere aki anonoczi ñoñerao fozejec.

Âgodân â jambundân

²¹ Babafic-nane Timoteo â Judanic âgofâc-nane Lukio â Jason â Sosipate jañe ñoñere mamanaç junçopien. ²² Teatio no papia zi (Paulore mick-onec) qârenkehuc inuc jaha Wofunte maio ñoñere manasukopac. ²³ Gaio e no â kikefun mâmâc sasawa hezu hewâneñ enâreekaczi inuc jaha ñoñere manasukac. Erâ hae soñañ Erasto â âgo-nâñec Qato jahe inuc jaha enârekopirec.[²⁴ Wofun-nâñec Jesu Kristo ere aki anonoczi ñoñerao fotâcnerâ fosejec. Jâmbomac.]

²⁵ Anutu e Biñebian muekopac â Jesu Kristore dâñ muromackeekopac irec sâcko mamanañko keten-ñopaocte tâpiri focnekac. Anutu juju sanañ dâñticne hâcne soñne fowarehuc jukume ²⁶ damen zinjuczia ere micte muropiekicne â ñicne ñicne mana reren eniñte miti papiao bajañenkekiecne. ²⁷ Eme Anutu hâcne, buc mañqârân juekac, erao Jesu Kristore erâ mumutenzi mumutenj hati forazihuc juzejec sanañ. Jâmbomac.

16:19: Rom 1:8; Mat 10:16; Kor I 14:20 **16:20:** Rom 15:33; Fuf 3:15 **16:21:** Apo 16:1; 19:22; 20:4; Fil 2:19 **16:23:** Kor I 1:14 **16:25:** Efe 1:9; 3:5, 9; Kol 1:26 **16:26:** Tim II 1:10; Rom 1:5 **16:27:** Tim I 1:17; Jud 1:25

Kâte Bible
The Holy Bible in the Kâte language of Papua New Guinea
Buk Baibel long tokples Kate long Niugini

copyright © 1978 The Bible Society of Papua New Guinea

Language: Kâte (Kate)

Translation by: Bible Society of Papua New Guinea

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-11-22

PDF generated using Haiola and XeLaTeX on 11 Nov 2022 from source files dated 30 Nov 2021

76869875-8293-5126-8b67-c576c145ac3c